

No tin ningun motibo pa crea duda den e posicion financiero di e fondo di AZV



Pagina 2

- **Documentario di A.T.A., “Blue Lizard Effect” ta atrae critica di comunidad local**

Pagina 6

- **Den juni hues lo cuminsa scucha 31 testigo di Otmar Oduber den corte**

Pagina 4

- **Wrakingskamer a bari for di mesa argumento di Land Aruba**

Pagina 2

Piscadonan a haya boto cu varios cadaver na Brazil



Pagina 10

Corsou urgi pa implementa reforma financiero despues di evaluacion di Cft



Pagina 8

Cu alrededor di 700 participante, Ronde van Aruba tabata un exito



Pagina 17

IMPORTANCIA DI ‘CHILD CAR SEAT’

**Awe nochi 8:30 PM
na Telearuba**

Director ir. Edwin Jacobs di OE AZV ta sigura:

No tin ningun motibo pa crea duda den e posicion financiero di e fondo di AZV

Mediante esaki, Organo Ehecutivo di AZV (OE AZV), ta rechasa totalmente e intento di crea duda den comunidad tocante e posicion financiero di e fondo di AZV den futuro. Ademá, OE AZV ta reitera cu bao di tur circunstancia e pago di e gastonan di e fondo AZV ta garantisa pa Pais Aruba, mediante e asina yama “landsbijdrage”.

Siman pasa, OE AZV, como parti di su plan di informacion y pa mas transparencia, durante un conferencia di prensa a presenta na comunidad su relato anual di 2023. A constata cu e relato a trece su debido discusion cu ne, cual sigur ta saludabel ya cu e seguro general ta di henter comunidad.

Instrumento di maneho nobo Banda di su relato 2023, OE AZV a presenta tambe e instrumento di maneho nobo



cu a introduci oficialmente e aña aki pa reemplaza e recorte di 60 miyon florin den gastonan, esta su Cuadro Financiero Multi Anual (CFMA). Un parti esencial di e CFMA ta e modelo di proyeccion di gasto y entradanan cu a keda desaroya pa expertonan local; tanto di den AZV como pafor di AZV. Cu e modelo di proyeccion aki, OE AZV ta haya na su disposicion un instrumento balioso pa sigui mancha e fondo pa futuro. Cuadro Financiero Multi

Anual Anteriormente tabata nabega “ciego” pa futuro. Tabata calcula gastonan di AZV pa maximo dos aña. Kico lo por a pasa despues, no tabata tin mucho idea. Solamente por a bisa cu e gastonan lo sigui subi, pero no por a indica na ki grado e gastonan lo desaroya. Cu e introduccion di e modelo di proyeccion; awo por calcula kico ta spera e fondo pa e proximo 15 pa 20 añanan. Basa riba e resultadonan di e proyeccionnan, por tuma e pasonan necesario

pa cambia rumbo di e desaroyo.

Proyeccion te 2040

Durante e conferencia di prensa, OE AZV a presenta e prome resultado di e modelo di proyeccion. Den un grafico a muestra con e expectativa ta pa loke ta e desaroyo di tanto e resultado como e reserva di e fondo te 2040. E proyeccion ta indica cu despues di crea reserva e proximo añanan, mey mey di añanan 30, e reservanan lo agota y lo depende atrobe di contribucion di gobierno. E proyeccionnan ta implica un tarea importante pa maneho di e fondo. Di un banda, gobierno lo mester sigui esfora pa mehora e cumplimiento cu e leyman cu ta percura pa entrada pa e fondo. Di otro banda, OE AZV mester keda esfora su mes pa haci e sector di cuida medico mas eficiente pa asina contene (na un forma responsabel) e crece-

mento di e gastonan. Pues, a base di maneho, por pone cu e agotamento di e reservanan ta keda posponi te un momento mas laat den tempo. E ta nifica tambe cu accionnan den maneho ta cambia e grafico y cu regularmente ta keda monitor e situacion.

E cambio principal

Cu introduccion di e modelo di proyeccion y e Cuadro Financiero Multi Annual, Aruba ta uni na e fila di paisnan desaroya cu ta uza instrumentonan sofistica pa prepara nan mes pa futuro. Aruba por tin tranquilidad cu e posicion financiero di AZV ya no ta un riesgo pa e presupuesto di Pais Aruba y ni un riesgo pa e presupuesto di famianan na Aruba. Aruba ta den e “driver seat” pa loke ta su gastonan di AZV, despues di 23 aña di su introduccion. Motibo suficiente pa nos ta orguyoso di nos mes como pueblo y como pais.

Wrakingskamer a bari for di mesa argumento di Land Aruba pa wraak hues den caso Isla di Oro



Despues cu Land Aruba a pidi pa wraak e hues den e caso di isla di Oro, cu Fundacion Parke Nacional a pidi pa stop e trabaonan cu e doño di e tereno a cuminsa haci, ayera 15 di april tres hues di HOF a bari for di mesa e argumento di Land Aruba y e caso lo sigui cu e mesun hues, mr. A.H.M van de Leur.

Diabierna 5 di april a trata na corte e caso unda a sali na cla cu e desaroyador no tabatin niun tipo di permiso pa e trabaonan na Isla di Oro, sino cu a pidi e permiso despues cu a

haya e ordermaatregel. Ademá cu e desaroyador, den un entrevista na otro medio local, a señala cu nan kier a traha un beach, basha santo full ariba e rif, pone palapanan, mata di coco, y traha un area caminda turistanan por bishita e lugá aki.

Abogado di Fundacion Parke Nacional Aruba (FPNA), Zuhaila Arends, den un articulo cu Bon Dia Aruba a publica dia 7 di april ultimo, a destaca cu conforme ley, e plannan ey ta contra e destinacion di e area, unda tin tres factor cu ta hunga un papel

importante. Por ehemplo, ta un rif, ta un parke natural riba tera cu mangelnan y e otro parti rond di dje cu ta e area marino, locual ta nifica cu ta un area hopi importante cu mester haya proteccion; ademá ley ta indica cu den e area tampoco mag tin ningun funcion pa actividadnan turistico of actividadnan comercial.

Un otro motibo, manera Arends a informa, tambe tabata pa pidi hues pa Land Aruba no duna e parcela aki back den erfpacht, pa motibo cu e erfpacht di e parcela aki ta termina na 2026.

E caso dia 5 di april na corte a stop, debi cu abogado V.M Emerencia di Land Aruba a sinti cu hues A.H.M. van de Leur no ta imparcial y el a pidi pa wraak e hues loke ta nifica un “recusacion judicial” den idioma papiamento.

Segun e process verbal di e caso aki, cu Bon Dia Aruba ta dispone di dje e hues van de Leur refiriendo na e parti cu Land Aruba a sigura cu nan no lo extende e parcela erfpacht na 2026, hues a declara cu “pa hopi biaha a experimenta y a mira cu Land Aruba ta tuma

decisionnan contra ley.”

A base di e comentario aki, abogado Emerencia a señala cu “hues a muestra su parcialidad contra Land Aruba” y pa e motibo ey a pidi pa wraak e hues van de Leur.

Ayera 15 di april tres hues di HOF a bari for di mesa e argumento di Land Aruba y e caso lo sigui cu e mesun hues mr. A.H.M van de Leur.

Segun e documento di HOF di ayera di e cual Bon Dia Aruba ta dispone di dje, ta indica den evaluacion di e hechonan y circunstancia di Emerencia no ta duna motibo pa señala cu hues van de Leur no ta imparcial, e motibo ta cu e observacion di e hues ta di caracter general “si e pais y su organonan administrativo lo a respeta ley semper y den tur caminda, tur obhecion y recursoronan den casonan administrativo semper lo ta declara infunda. Esaki ta un hecho conoci y esaki no ta e caso. Por lo tanto, den e comentario di e hues no ta aprecia ningun prehuicio den e caso aki.”

Leonardo Figaroa:

“Ta esencial pa manda 2.000 empleado publico pa sector priva pa transiciona, no pa manda nan cas”

Leonardo Figaroa, ken ta lider di Partido Direccion Politiea (PDP) ayera mainta a tene un conferencia di prensa pa trece dilanti un aclaracion riba un articulo cu a sali publica den otro medio local y tambe pa informa tocante dos LOB Verzoek cu el a entrega pa minister di Labor y minister di Enseñansa.



Figaroa a expresa cu siman pasa e medio local Solo di Pueblo a publica un articulo di su persona cu tabatin e headline “Gobierno mester manda 2.000 trahado cas,” di esaki Figaroa a señala cu su meta pa drenta politica ta pa stimula un dialogo, pa por yega na solucionnan concreto, un di e proposicionnan cu siman pasa a sali den medio di comunicacion ey ta e reduccion di aparato publico “y cu ta esencial pa manda 2.000 empleado publico pa sector priva pa transiciona no pa manda nan cas, Leonardo Figaroa no ta e prome politico cu ta bisa esaki, Ursell Arends a bis’e den debatenan di KvK y awe e ta sinta como minister y nos a wak cu nada a wordo haci den e tema, CAft a indica tambe cu esaki ta algo cu mester wordo realisa y na 2018 gobierno mes a firma un protocol unda nan a bisa Hulanda cu nan lo reduci nan gastonan di personal,” el a bisa.

Pa loka ta trata RAft el a bisa cu si Aruba por a inclui e articulo 15 den e Rijkswet y hinkel’e den e ley local di supervision financiero (LAft) ta mara e personeels laatse normen na un porcentahe “e ora ey nos ta caba cu e fiesta di e gobierno aki unda cu cada biaha nos ta wak e salarionan astronomico cu ta bay na consultancy, friends and family, pero e hoben cu a cab’i studia na Europa cu a hinca su mes den debe no por haya trabao pasobra su fam no ta Croes, a nos cu ta caba awor Universidad ora nos ta sollicita, tampoco no tin trabao, pasobra nos no ta fam Croes, p’esey nan ta opta pa bay biba Hulanda, pasobra no tin otro oportunidad y nos tin cu paga back un debe di Arubalening,” Figaroa a expresa.

Segun su opinion, su meta no ta pa ataca e medio Solo di Pueblo caminda incluso

Figaroa a manda un carta na nan indicando na su director Edmond Croes “cu mi ta hay’e lamentabel cu bo ta haya bo mes un periodista profesional y e ora ey bo tin cu fact cheking e informacion cu bo ta publica, na ningun momento Leonardo Figaroa a wordo contacta door di ni un persona di Solo di Pueblo pa puntra mi reaccion, mi articulo a wordo saca for di contexto y awe mi kier corda Sr. Edmond Croes cu como periodista e ta mara na e Global Ethics di Nacionnan Uni y den nos carta ma bisel’e cu e ta importante pa e realisa kico e puntonan 1 y 2 ta bisa, punto 1 ta señala cu: ‘respet pa e hechonan y derecho di publico pa haya e berdad ta e prome deber di un periodista,’ esaki ta demostra mi cu Solo di Pueblo no ta cumpli cu esaki, pasobra si nan tabatin un tiki decencia, nan lo a tuma contact cu mi pa splica cu ambtenaarnan y Pueblo di Aruba cu nos tin un solucion pa saca e 2.000 hende ey afo di e ambtenarij y esey ta dos palabra: Sociaal vangnet.”

LOB Verzoek
També, el a informa cu ayera el a entrega dos LOB Verzoek na minister encarga cu Labor, Glenbert Croes, pa puntra ki studio a wordo haci door di Directie Arbeid Onderzoek y tambe DPL tocante e nivel di studio di ambtenarij “e hendenan cu ta den nan funcion, nan tin studio pa traha den funcion, nan ta ekipa y ki plan gobierno tin pa educa e ambtenaarnan, p’esey nos a manda un carta tambe pa minister di Enseñansa, Endy Croes, pa haya e cifranan di cuanto persona den aparato publico aki tin un diploma universitario.

“A mi por bisa bo awe cu ta 0.2% di 6.000 ambtenaar, esey kieren cu tin 5.000 ambtenaar mas o menos cu awe ta trahando eyden pasobra nan a campaña, nan

a pone un bandera of nan a bisti un T-shirt, pa mi como e futuro di e generacion esaki ta inaceptable y e ta hustifica e ineficiencia di e aparato publico,” Figaroa a señala. Pa su persona tambe ta importante pa parlamento yama prome minister Evelyn Wever-Croes y gabinete di ministernan pa puntra: con satisfecho pueblo ta sinti su mes na momento cu tin cu bay un DIMAS? Of un DPL? E ta puntra su mes “kico ta e servicio al cliente ora cu a mi drenta un departamento bo ta haya un hende cu un cara na balie cu di baina ta bisa bo bon dia, anto asina ey gobierno kier pa a nos por busca nos derecho y esey pa mi ta algo inaceptable.” E ta spera di por haya un contesta pa loka ta trata e dos LOB Verzoek y el a entrega un bezwaarschrift tambe na minister Glenbert Croes pa lo cual ta e LOB Verzoek cu el a entrega 28 di februari ultimo pa lo cual ta trata e desempleo den hobennan “pasobra e ta increible ta sali bisa cu desempleo a baha bao 9% y hobennan na EPI no tin trabao, tin di nan ta traha y ta stop scol, p’esey nos a manda puntra minister Endy Croes kico ta e cifranan di dropout? Kico ta a maneho di minister y gabinete REGARDANDO dropout?”

Un di su preocupacion tambe ta cu hobennan door di e situacion financiero na nan cas, nan den edad hoben tin cu traha pa motibo cu nan tin cu yuda financieramente na cas y no por caba nan studio, “nos plan ta ambicioso,

e sociaal vangnet ta considera un inversion di mas o menos 300 miyon florin, los di inverti 300 miyon florin den enseñansa y nos kier introduci un pakete di sobrevivencia pa lo cual por yuda e comunidad mas vulnerabel, cu mas o menos ta calcula den 240 miyon florin, dus total ta 840 miyon florin cu nos kier inverti y e situacion financiero di e pais aworaki no ta duna pa crea e espacio pa nos por inverti manera nos kier lo mas lihe cu ta posibel y p’esey nos a propone pa reduci BBO na 1.5%, kitando e BAVP pasobra nos tambe kier sa cuanto gobierno a paga na debe, BAP a wordo introduci como meta pa paga un debe temporalmente pero nos ta bayendo 8 aña caba y aworaki

entrada di impuesto a subi, tin surplus pero kico gobi-erno ta haci cu surplus?”

Pa e motibo ey el a manda un otro carta pa Parlamento di Aruba pa motibo cu e kier sigura na Pueblo di Aruba cu maske e ta un hoben politico di 23 aña, e ta worry cu e pensionadonan, “tin hopi pensionado cu ta sinti cu nos ta discrimina nan pero mi kier pa nan sa cu mi tin respet pa nan, pa tur e trabao cu nan a haci pa Aruba, nos a propone awe na parlamento pa yama un reunion pa minister di Finanzas Xiomara Maduro y minister di Ouderenzaken pa dialoga y debati riba prima di AZV pa pensionadonan,” el a finalisa.

Bezwaarschrift

Van:
Dhr. Leonardo R. Figaroa
Madiki Kavel 173
Oranjestad

Aan:
De Minister van Arbeid en Integratie
Dhr. Glenbert Croes
L.G. Smith Blvd 76

Betreft: Bezwaar inzake het niet tijdig beschikken/ Beslissen conform artikel 3 lid 2 van de Landsverordening Openbaarheid van Bestuur

Alhier

Oranjestad, 15 april 2024

Excellentie,

Op 26 februari 2024 heeft u van mij een lob-verzoek ontvangen waar ik enkele documenten, althans rapporten of andere verslagen heb verzocht inzake informatie die u in de pers heeft bekendgemaakt omtrent een verklaring dat u heeft afgelegd.¹ Namelijk heeft u het volgende verklaard:

“Nos mester pa nos hobennan bin bek. Desempleo ta bahando y desempleo general e ultimo cifranan cu nos tin ta muestra con a haya te na 4.3%. E desempleo bao hoben ta rond 9% cual tabata hopi mas halto. Nos mester pa nos hendenan bin bek Aruba y mi ta consider’e parti di mi tarea pa crea condicionnan pa tur nos yunani di tera.”²

Conform de Landsverordening Openbaarheid van Bestuur (AB 1999 no.57) artikel 3 lid 2 heeft u de bevoegdheid om uiterlijk binnen drie weken na dit verzoek een beslissing te nemen. Nu de 21 dagen termijn is verstreken en u conform artikel 3 lid 4 aan mij geen mededeling heeft gedaan dat u de termijn verlengt, heb ik geen andere optie om rechtsmiddelen in te wenden.

Gronden/ Motivering

Als burger is het van groot belang dat wij erop kunnen vertrouwen dat wanneer een bestuursorgaan *in casu*, een minister zulke mededeling met de pers deelt dat het mogelijk moet zijn rapporten die een grote impact hebben op een gevoelige maatschappelijke discussie, zoals hier het geval is, dat deze openbaar worden gemaakt.

¹ Ik verwijz naar Bijlage I
² Minister Glenbert Croes: Desempleo ta bahando y mas you di tera ta hayando trabao, www.24ora.com

Aan:
Dhr. E. Croes
Directeur Solo di Pueblo
Santa Cruz
Aruba

Betreft: Reactie op artikel gepubliceerd 11 april 2024

Oranjestad, 15 april 2024

Geachte Heer Croes,

Ondergetekende heeft kennis vernomen dat u een persartikel had gepubliceerd waar u enkele stellingen had genomen, althans betwist met andere karakter geschreven dan de bedoeling was dat ik aan de Arubaanse gemeenschap had willen communiceren. Een persartikel werd gezonden aan de pers d.d. 11 april 2024, waar ik het volgende punt als concrete voorstel had gegeven als oplossing om de groeiende kosten van het overheidsapparaat te verlagen.

Deze stelling luidt compleet als volgt:

*“Nos proposition ?
Como un partido social-liberal progresivo mi no ta bay gafa pueblo cu nos lo elimina tur impuesto. Aruba ta un estado di bienestar esaki kermen cu nos impuestonan tin cu keda introduci pa cubri e tene colectivo cu gobierno tin cu perscra pelle. Sector priva su meta ta pa genera ganashi y no tur ora esaki ta tene cuenta cu e grupo vulnerable den comunidad. Nos proposition ta lo siguiente:
1. Gobierno mester reduci su gastonan di personal door di saca 1500-2000 empleado for di sector publico. Crea un social vangnet pa negosha cu sector priva un transicion.”*

Wij begrijpen dat u als krant vooringenomenheid heeft als het komt tot stelling tegen het Kabinet Wever Croes. Ik had willen dat u als een professionele journalist contact met mij had genomen om een raadsel hierop te kunnen geven voordat u stellingen publiceerde met een incorrecte karakter. Tot slot wil ik u aandacht vestigen op de ‘Global charter of ethics for journalists’, aandacht met name op punten 1 en 2 van deze Charter.¹ Op 18 april 2024, te Bestuurskantoor, heb ik een persconferentie georganiseerd, waarbij een van de onderwerpen het overheidsapparaat betreft. U bent van harte uitgenodigd om kritische vragen te stellen tijdens deze bijeenkomst.

In vertrouwen op u welwillende en spoedige medewerking te kunnen rekenen, verblijf ik, Hoogachtend,

Dhr. Leonardo R. Figaroa
Partido Direccion Politiea
C. 744-6920
E: Pdpolitiea@gmail.com

¹ Een kopie van de ‘Global charter of ethics for journalists’ heb ik ook toegevoegd als bijlage met de belangrijkste punten gemarkeerd.

LOB-verzoek

Aan:
De Minister van Energie, Arbeid en Integratie
Dhr. Glenbert Croes
L.G. Smith Blvd 76
Alhier

Oranjestad, 15 april 2024

Excellentie,

Volgens de Landsverordening Instelling Ministeries 2022, vallen het Departamento di Labor (hierna DPL) en Directie Arbeid en Onderzoek (hierna: DAO) onder uw ministerie. Naar aanleiding van een discussie die is ontstaan verzoek ik rapporten en/of adviezen en/of schriftelijke beantwoordingen en/of commissie notulen en/of beleid en/of onderzoeksverslagen die zijn ontworpen over het volgende thema:

- De transitie van overheidspersoneel naar private sector
- Een mogelijke beleid van de overheid om ambtenaren te stimuleren naar de private sector te gaan werken, mogelijk door allerlei afspraken die waren gemaakt tussen de Regering van Aruba en Nederland omtrent de invoering van de RAFT en protocol over het afname van het personeelslast ten aanzien van de nationale begroting
- Het creëren van een sociaal vangnet voor deze ambtenaren

Verzoek ik u om alle voornoemde maandelijks rapporten en/of adviezen en/of schriftelijke beantwoordingen op een schriftelijke wijze te overleggen, dat wil zeggen vanaf de inwerkingtreding van de Landsverordening Instelling Ministeries 2022 (hierna: LIM), waarbij u conform artikel 8 benoemd werd als de minister verantwoordelijk voor aangelegenheden inzake arbeid.¹

Tevens zie ik u ook overleggen van eventueel nadere rapporten door onafhankelijke gecertificeerde bedrijven, althans commissies opengericht, voor zover die hebben plaatsgevonden.

Ten derde verzoek ik u om (schriftelijke) bewijzen te overleggen van de stappen die u heeft ondernomen in het kader van de werkzaamheden met betrekking tot de hierboven vermelde punten.

¹ AB 2022 no. 18

Den luna di juni hues ta cuminsa scucha e 31 testigonan di Otmar Oduber den corte

Ayera mainta politico Otmar Oduber di plataforma Nos Pais a tene un conferencia di prensa na unda el a informa tocante e ultimo actualisacionnan pa loke ta trata caso Flamingo, cu lo ta dilanti hues comisario den luna juni.

Oduber a splica cu aña pasa dia 6 di november hues cu ta bay atende e caso Flamingo den corte a duna su team di defensa e luz berde pa scucha 31 testigo den e caso aki. Recientemente abogado Vito Carlo, ken ta abogado di Oduber, a wordo informa den luna di juni hues ta bay cuminsa cu e tratamento di e caso.

Manera ta conoci, caso Flamingo tin hopi aña andando y inicialmente a cuminsa como un caso di diferente acusacion contra Oduber, pero aworaki ta trata acusacion diferente y hasta e lista di sospechosonan den e caso tambe a reduci.

“A bay den un fishing expedition pa wak kico nan por logra pa gara Otmar Oduber ariba dje. A tuma ocho luna, despues di ta wardando cuater aña den e investigacion aki cu a cuminsa cinco aña pasa na 2019. Nos ta lamenta e abuso cu ta tuma luga, no tin mas manera di mostra comunidad di Aruba con atrobe esaki ta otro abuso con pa ocho luna bo mester keda warda pa bo por scucha bo testigonan cu bo ta bay tin den bo defensa,” el a expresa.



Sinembargo, Oduber a subraya, cu e ta “contento” cu den luna di juni e caso ta bay cuminsa y e ta spera cu e caso por termina den luna di juni mes, of mas tarda juli. “Naturalmente mi persona ta desea pa e caso aki caba mas pronto cu ta posibel,” el a bisa.

E politico a señala cu durante tur e añanan aki cu caso Flamingo tin andando a tuma hopi recurso financiero pa finalmente por yega na e punto aki, na unda ta preparando pa trata e caso y scucha tur e testigonan.

“Mi ta kere si nos no a bringa tur e temponan aki, bayendo corte sigur tres biaha, memey di mas di ocho biaha cu a bay corte, unicamente pa pusha OM pa termina nan investigacion pa por cuminsa un caso,” el a agrega.

Durante e conferencia Oduber a haci un denuncia publico relacion na e mesun caso

Flamingo. El a indica cu recientemente comunidad por a tuma nota di e hecho cu un sospechoso di e caso a wordo declara liber di sospecho y no ta forma parti di e caso aki mas.

El a splica cu e caso a cuminsa cu mas di 20 sospechoso y na caminda OM a laga diferente persona liber di sospecho y shete persona so a keda como sospechoso. Mas di 15 sospechoso a wordo libera como sospechoso.

Recientemente un comerciante conoci, cu tambe tabata sospechoso durante cuater aña largo, a ricibi un carta cu e ta wordo absolvi totalmente di e caso Flamingo. Oduber a remarca cu e persona aki no a wordo scucha ni un biaha y no a sinta ni un biaha pa in interrogacion como sospechoso di e caso aki.

El a agrega cu banda di esaki tin un cantidad di ambtenaar y personanan cu tabata riba contract cu a wordo perhudica. El a sigui splica cu shete ambtenaar wordo manda cas durante henter e investigacion aki. E ambtenaarnan aki tin tres pa cuater aña na cas cobrando 100% di nan salario siendo cu niun di e ambtenaarnan aki ta forma parti di e investigacion di caso Flamingo mas.

El a indica cu tin di nan ainda ta na cas, pero aworaki ta buscando un caminda pa hinc nan, otro nan cu durante añanan a haya bevoordering,



otro nan cu a haya hasta vaste aanstelling, landsbesluit di gobernador, cu nan a nan a haya nan posicion fiho como ambtenaar.

Di otro banda, el a indica, cu tabatin varios riba un contract wardando pa wordo nombra den departamentonan di gobierno cu a wordo kita door di e caso aki y a resulta despues cu ni un di nan tabata sospechoso.

“Kico e tabata? A core tras di hende, a haci un fishing expedition, a acusa tur hende. Ministerio Publico a drenta den tur departamento cu tabata cay boa di mi. Nan a investiga den Serlimar di ariba te abao, nan a investiga den DOW, nan a investiga den DIP, tur caminda cu nan por a coba nan a investiga y no a sali nada afo, simplemente algun acusacion,” Oduber a subraya.

El a resalta cu ora cu e testigonan wordo scucha e ta bay bira algo determinante pasobra, segun el a señala, pa prome biaha den historia durante e ultimo 30 pa 40 añanan, un hues a bay di acuerdo pa scucha como testigo den corte miembronan di RST, miembronan di Hurlanda, miembronan di BCI di Cuerpo Policial di Aruba y

tambe miembronan di Landsrecherche

E miembronan di e cadena hudicial cu ta bay wordo scucha como testigo, Oduber ta bisa, ta personanan cu a gaña den e caso aki, a traha rapportnan falso, a traha varios process verbal completamente falso pa perhudica su persona.

“Ora mi bisa falso ta pasobra tabata asina facil pa nan, a base di tur e recursonan cu nan tin, pa nan por a controla den 24 ora cu loke nan a pone riba papel tabata totalmente falso,” el a remarca.

Por ultimo, Oduber a haci un anuncio di un exigencia cu e tin pa loke ta e tratamento di e caso. El a splica cu el a duna instruccion na su abogado, Vito Carlo, pa haci peticion pa prensa transmiti e tratamiento di caso Flamingo en bibo.

“Mi exigencia ta, si Ministerio Publico, y mi ta dirigi mi mes directamente na Ministerio Publico, si nan no tin nada di sconde, mi ta spera cu ora nos haci e peticion aki a traves di mi abogado, nan ta bay di acuerdo inmediatamente cu nos pa hues permiti pa e caso aki wordo transmiti den bibo,” el a indica.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Kico haci cu e tabu... Mas grandi cu tin...?

Awor cu e temanan regular di maneho gubernamental ta for di caminda pa algun tempo, otro asunto importante pa comunidad por haya atencion. Na e momento aki e asunto cu a capta atencion publico grandi, ta e abuso sexual di menor, e tabu mas doloroso den nos comunidad. Den publicacion reciente a resalta e aspecto cu den gran mayoria di abuso sexual di un menor, e persona responsable pa e acto abominable ta un persona for di seno familiar, o cerca di esaki, por ehemplo un amigo o conoci di e famia. En todo caso, e victima mas tanto conoce esun cu ta perpetra e crimen. Esaki no ta un hecho cerca nos solamente, e ta e realidad amargo den practicamente tur comunidad. Ta trata aki di e tabu principal cu nos conoce den nos comunidad, mescos cu e ta den otro tambe.

Cu esey na ningun momento nos ta desea di sugeri cu, pasobra e ta un fenomeno general, lo por atende esaki cu cierto resignacion. Al contrario, si no ta cuminsa papia abiertamente di e cancer moral aki den nos comunidad, nos lo no logra crea un ambiente mas sigur pa nos muchanan por prospera aden. Y lo ultimo cu por permiti ta cu comunidad ta bira complice di e crimennan aki, si no ta haci tur esfuerzo pa mehora e situacion actual. Bisando cu mester cuminsa actua ta lanta automaticamente e pregunta, con y unda?

Ta pesey algun informacion general di con e situacion ta necesario, manera el a bira conoci na autoridadnan concerni. Algun aña atras nos a haya e informacion di un persona involucra den nos sistema hudicial, cu e tempo ey, desde 1986, Aruba a registra mas di 6.000 (seis mil) caso di denuncia di abuso di mucha y hoben. Aki mester tuma na cuenta si cu ta trata di tanto abuso sexual como abuso fisico den cual no tabatin un aspecto sexual. Di e denuncianan aki finalmente e casonan cu a yega na corte, pa tuma paso penal contra e abusadornan, ta core den algun centenar. Pues mayoria di caso no tabatin consecuencia pa e abusador, mas tanto pasobra no tabata posible reuni suficiente prueba pa por cuminsa e proceso hudicial. Esaki ta keda un di e obstaculonan mas grandi, aunke despues di e terrible casonan di abuso y asesinato di dos mucha a tuma lugar un intento grandi pa mehora henter e sistema di intercambio di informacion y coordinacion di trabao. Nos no ta tribi di bisa nada negativo di e proyecto grandi aki, pasobra simplemente nos no sa, ni bon, ni malo.

Riba su mes caba esaki ta un problema, pasobra esey ta implica cu mayoria den nos comu-

nidad tampoco ta na altura. Por ta cu algo a mehora den e trayecto di kico pa haci den caso di un calamidad asina, pero kico ta logrando den preveni cu un situacion ta yega asina leu? Nos tin e impresion cu no tin suficiente inversion haci den atende e asunto aki, ya cu segun nos opinion esey mester encera cu ta cuminsa papia abiertamente di e cultura familiar cu nos tin, cu tin varios banda menos positivo. Por ehemplo, den mayoria di famia tin un ambiente positivo unda un mucha ta sinti su mes sigur pa conta su mayornan kico a sucede cune, talvez cu otro persona envolvi? O acaso ainda ta asina cu den hopi famia ainda ta asina cu 'mucha mester cera nan boca si no a puntra nan nada'? Si te awe ainda tin tanto caso di abuso, cu elemento sexual of no, esey ta un señal cu ainda tin hopi cos pa drecha y cu mehora e trayecto di denuncia y procesamiento di keho no ta suficiente.

Nos ta topa aki tambe cu e problema cu den un comunidad chikito, unavez cu algun suceso asina tuma lugar den un famia, masha rapido e famia ta keda confronta cu e hecho cu gran parti di e hendenan cu ken nan ta comunica, ta na altura di loke a pasa. Esey ta conduci na e reaccion di purba tapa e asunto, pasobra enfrente tur hende, den famia, cu amigo, na scol, trabao, ademias di autoridadnan concerni, no ta nada facil, tampoco den e situacion cu e trayecto di denuncia lo a conoce mehoracion. Tambe mester tuma na cuenta cu ta existi e posibilidad di ruptura dentro di un famia mes, cu por tin consecuencia pa resto di bida di tanto e mucha como e mayornan y demas eventual yiunan. No semper e victima lo conta cu comprension y apoyo den e ambito familiar, pasobra hustamente den caso cu esun cu comete e acto ta miembro di e famia, o hopi cerca di nan, no ta tur lo scoge banda di e victima; tin varios caso unda nos di experiencia propio sa cu a acusa e victima di ta responsable pa por lo menos un parti di e sucedido.

Finalmente, loke ta parece nos importante como prioridad ta cu mester amplia e suministro di informacion na comunidad den tur sentido. Por ehemplo, nos no ta mira publicacion di cifra di cantidad di denuncia, cuanto a yega na procesamiento penal, kico ta e obstaculonan cu ta topa den denuncia, y con ta mehora comunicacion den tur ambiente social, na cas, na scol, den deporte, etc. E constatacion cu abuso sexual ta origina mas tanto cerca hende conoci pa e victima, no por keda na un simple grito cu ta bay perdi den silencio, sin cu tin consecuencia.

AWE

MINI MEGA MEGA PLUS

Awo cu 2 florin mas, bo por gana e

*** Afl. 460.000,-**

*** Afl. 360.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS

HUNGA AWO

Documentario di A.T.A., “Blue Lizard Effect” ta atrae critica di comunidad local

Recientemente, A.T.A. a presenta na un manera exclusivo e documentario di “Blue Lizard Effect,” cual a describi den un comunicado di prensa como “un serie documental revolucionario cu ta profundisa su mes den e mundo fascinante di Aruba, pero di un angulo diferente; e serie ta explora e concepto energetico di felicidad y e conexion profundo cu e cultura, e hende, y naturalesa di e isla ta provee pa cu esaki.” Sinembargo, entre comunidad local, e documentario aki a genera indignacion.

A.T.A. a duna e siguiente sinopsis di e documentario: “Protagonista Jason Silva, un personahe renombra den e mundo di television, conoci pa su storytelling, orador di diferente conferencia importante, y creador di pelicula, nomina pa Emmy, ta na un momento puntual di su bida y ta en busca di un transformacion y den mi-



hor compronde e esencia di un bida feliz. Jason ta haci esaki na Aruba pa haya sa e motibo dicon e ta ser yama E Isla Feliz. E motibo di felicidad di su habitantenan y con e por siña di cada un di e personanan cu e ta encontra y con esaki por yud’e pa asina e tambe por logra e transformacion personal.”

Riba rednan social, hendenan influyente den comunidad local a reacciona riba e documentario aki, algun cu comentarionan menos positivo. Ex-periodista A.R. a critica cu “Aruba ta bendiendo su pro-

ducto turistico como uno unda turistanan por bin relaha, ‘haya nan mes’ y drecha nan salud mental usando nos recursonan natural, nos paisahe, nos awa... Mientras cu nos localnan mes ta letterlijk matando nan mes di desesperacion, sinta pega den un wachtlijst di AÑAS pa wordo atendi na Respaldo, bibando den un fierno di un comunidad chikito y cera den cual nan tin cu busca un manera pa biba anto sin caminda pa nan mes relaha y disfruta, pasobra unda cu nan bay ta pesta di e mesun turistanan ey y pasobra nan si sa cu e mesun lama cu antes

tabata kita nan ansha, ta yena cu [excremento] di bishitante cu riba dje a bin pa zogenaamd ‘heal’ den e awa ey.” Asina el a destaca e sentimento cu ta biba entre algun ciudadano local, unda ta sinti cu e imagen cu kier presenta di Aruba en exterior no ta cuadra cu e realidad cu ciudadanonan ta biba dia pa dia.

“Si bo puntra ami, e real ‘Blue Lizard Effect’ ta con zonzá e local ta sinti di tanto depresion, cansancio, self-medication of e receipt di Paxil cu nan a haya porfin...” el a conclui.

Otro usuarioan tambe a reacciona cu e mesun sentimento. Usuario M.W. a comenta: “Calidad di bida ta fo’i balans y ta di nivel deficiente pa mediocre y pa mucho hende hasta malo. Echt! All lights on, nobody home.”

“[Danki pa bisa/declara esaki!] Nos comunidad ta full bao un [control mental/manipulacion] cu a cuminsa di 1986,” usuario D.D. indica, agregando den otro comentario: “Nan ta promove algo cu 98% di nos mes no por biba den nos mes un cas riba nos isla! E blue lizard, nos kododo blauw tin cu proteh’e [pasobra] casi no tin mas pa via di e mes un over tourism effect cu boso ta bezig cunel!” Mes- ter remarca si cu esaki tabata algun di e comentarionan riba e anuncio di e documentario, y no ta representa e opinion di henter e poblacion. Otro usuarioan a elogia e idea di A.T.A. pa bin cu e documentario y a muestra positivo y anticipando pa mira esaki.

Minister Glenbert Croes den Parlamento di Aruba awe:

Ariba peticion di fraccion MAS y AVP, minister Croes mester duna cuenta na parlamento ariba su maneho di inmigracion



Awe Minister di Labor, Energia y Integracion, Glenbert Croes, ta den Parlamento di Aruba pa asina duna cuenta ariba su maneho di inmigracion. Esaki ta riba peticion di parlamentario y lider di frac-

cion MAS, Marisol Lopez-Tromp, hunto cu colega di fraccion Aquanette Gunn y parlamentario di fraccion AVP, Mervin Wyatt-Ras, cu a pidi pa un reunion publico cu minister Croes desde aña pasa.

“Diamars 16 di april porfin minister a haya un buraco den su agenda cu jen di biahe pe bin di transito Parlamento Di Aruba pe reunion publico. Ya ta 1 aña y 2 luna pasa cu nos a pidi pa minister Glenbert Croes bin Parlamento tocante su maneho ineficiente, intransparente y frustrante riba inmigracion aki na Aruba. Nos a pidi pa un reunion publico, fei 15 di Februari 2023,” parlamentario Tromp a publica ariba su pagina di Facebook.

Dia 15 di februari di 2023 Lopez-Tromp su fraccion conhuntamente cu fraccion AVP a solicita na presidente di parlamento Edgar Vrolijk pa minister di Labor, Energia y Integracion, Glenbert Croes, asisti na Parlamento di Aruba pa informa e parlamentarionan detayadamente tocante e enfoque pa loka ta trata e politica di

inmigracion. “Ta hopi importante pa e minister splica loka ta nifica su enfoque pa tur persona cu di un of otro forma ta depende di e procedura aki, cu durante añanan a bin describiendo como ineficiente, poco transparente y frustrante.” E carta di 15 di februari 2023 tabata indica.

Dia 20 di februrari tambe Lopez-Tromp a reacciona ariba un articulo cu a sali den otro medio di comunicacion cuestionando minister Croes su maneho pa loka ta trata migracion y a base di esey e parlamentario a manda preguntanan por escrito pa e minister concerni pa pidi e reunion pa di cinco biaha y pa puntra na minister di Labor, Energia y Integracion tocante e articulo menciona caba.

“Cuanto bes Minister Glenbert Croes a benta conseho di

DIMAS of otro departamento/ directie un banda, y haci loka e kier, esta firma pa cierto permisionan di cual e conseho no ta positivo? Esaki no ta cu DIMAS so sino cu mas departamento/ entidad cu ta resorta bou su cartera. Ki bal tin procedura y ‘good governance code’, ‘vier ogen principe’, ‘depolitisacion’, landspakket cu reformanan, etc., si no ta importa Gobierno manca su mesun integridad gubernamental?” Lopez-Tromp a indica den su publicacion.

Mediante un comunicado di prensa minister Croes a contesta e preguntanan cu Lopez-Tromp a dirigi na su persona y a indica cu el a atende varios reunion di parlamento unda a presenta y elabora riba su maneho, y pues ta considera e critica di Lopez-Tromp como uno sin base.

Exitoso curso Doctor On Board organisa pa HOH Academy *A comparti informacion y herment valioso pa ora tin emergencia medico riba avion*



Siman pasa pa tres dia largo Horacio Oduber Hospital (HOH) a ofrece e curso Doctor On Board duna pa KLM Health Services. Durante e curso interactivo aki, e participantenan a haya sa mas tocante kico pa haci na momento cu un incidente medico tuma luga den avion.

Lenie Denteneer, Manager di HOH Academy, a duna di conoce cu Doctor On Board ta un curso organisa pa HOH Academy conhuntamente cu KLM Health Services y cu e ta un curso masha popular mes na Hulanda. Hasta tin un lista di espera na Hulanda cu por bay te cu 2 aña di

hende interesa pa forma parti di e curso Doctor On Board. HOH a organisa un total di tres dia di curso, pues cada dia un grupo tabatin e oportunidad pa forma parti di e curso interesante pa asina siña riba diferente topico cu ta importante pa sa asina cu aborda un avion di KLM.

Dokter durante vuelo

Entre e topiconan cu a papia riba dje durante e curso aki tabata entre otro: kico por spera durante un vuelo, kico ta nifica fit to fly, kico e efecto di biahamento tin riba e curpa di e ser humano, kico tur tin den e medical kit abordo y no lubida e aspectonan huridico y di seguro. Ta importante pa un doctor of otro medico ta

bon informa riba kico tur ta sosode na momento cu pidi pa duna asistencia medico durante un vuelo. E cursistanan a siña cu ta obligatorio pa meld nan mes pa duna asistencia (esnan BIG registra) y kico ta pasa 'behind the scenes' ora e tripulacion haci un yamado di emergencia.

Bon prepara

Jacco Vroegop, participante y alabes presidente di Junta di Directiva di HOH a expresa cu e ta masha contento cu HOH Academy a organisa e curso aki. E ta haya e curso masha interesante y a duna di conoce cu e curso a duna esnan cu a participa diferente herment pa si acaso algo sosode durante un vuelo. Vroegop a expresa di ta contento cu KLM a organisa e curso aki hunto cu HOH Academy y cu hopi especialista, dokter di cas y enfermera specialisa a probecha di e oportunidad cu e curso aki ta brinda p'asina ta prepara na momento cu algo sosode den avion. Ademas a conta tambe cu dife-



rente dokter di afo a biaha bin Aruba specialmente pa e curso aki.

Aspecto medico di aviacion

Peter Nijhof, dokter di cas y luchtvaart- en LCR reizigersgeneeskundige na KLM Health Services Hulanda, a

duna di conoce cu ta prome biaha cu ta organisa e curso aki pa profesionalnan den Caribe Hulandes. E motibo principal pakico ta conseha e dokternan na Hulanda pa tuma e curso aki ta pa siña nan tocante e aspectonan medico na momento cu algo pasa durante un vuelo.

Gabinete Hulandes ta anula plannan pa recorta mita biyon euro for di e presupuesto di cuido hubenil den 2025



(NLTimes)—E plan pa anula alocacion di fondo pa cuido hubenil pa mas cu 500 miyon euro den 2025 no lo tuma luga, segun e gabinete demisionario a bisa. E coalicion ainda liderando e gobierno Hulandes a anuncia e decision aki como parti di nan Spring Memorandum, un di e updatenan anual riba e estado di presupuesto nacional.

E memorandum a ser publica pa e gabinete ayera. Un total di 511 miyon euro den spaargeld di costonan structural mester a ser anula for di cuido hubenil pa 2026 como parti di e acuerdo di coalicion

di Rutte IV. E suma aki tabata den adicion riba un recorte previo di 1 biyon euro den e sector, cual ainda ta den proceso di implementacion.

Awo e gabinete nobo lo mester tuma un decision den e recorte adicional di 511 miyon euro. Cuatro partido ta negociando desde november aña pasa pa forma e gabinete: PVV, BBB, NSC y VVD. E ultimo ta e partido di prome minister Mark Rutte. Ya caba, e gabinete actual a retrasa e recorte di 100 miyon euro adicional cu mester a bay den efecto den 2024.

E recortenan ya tabata controversial den Tweede Kamer.

Hopi municipio cu institucionnan hubenil tambe tabata opone e recortenan adicional, pasobra e sector ta experienciando hopi problema manera deficit den empleado y listanan di espera largo. Como resultado di esaki, hopi mucha cu mester cuido of proteccion ta haya nan mes den problema y ta warda hopi.

Pa logra haya spaargeld di 2026, mester introduci un contribucion personal cu mayornan lo mester paga, e gabinete a bisa. Nan ta preparando e regulacionnan necesario pa por cumpli cu esaki, pero e lo lag'e pa e proximo gabinete dicidi si nan kier implementa esakinan den ley.

**OPORTUNIDAD
PA TRABOU
SPUITDO
EXPERENCIA PA AUTO**



YAMA
582-3055
PA MAS INFO

Sputdo experiencia pa auto
Prepara auto pa bai spuit na su debido manera.

EXIGENCIANAN:

- » FLEXIBILIDAD
- » TRAHA DEN GRUPO
- » TRAHA INDEPENDIENTE Y POR MANEHA STRESS
- » TRES (3) AÑA DI EXPERENCIA MINIMO
- » EDUCACION MINIMO EPB TECHNIK ONDERHOUD
- » RIJBEWIJS B
- » CONOCIMIENTO DI INGLES, HULANDES Y SPAÑO
- » UN DECLARASHON DI SALUD
- » PAPEL DI BUENA CONDUCTA (NO MAS BIEU CU 1 AÑA)
- » PERMISO DI TRABOU VALIDO

BENEFICIONAN GENERAL:

- » UN SALARIO FIHO, BASA RIBA EXPERENCIA
- » UN SISTEMA DI INCENTIVO MENSUAL Y OTRO
- » BENEFICIONAN SECUNDARIO
- » UN CLIMA DI TRABOU AGRADABEL DEN UN AMBIENTE DINAMICO

Interesa? Pa mas informacion tuma contacto cu nos via email na hrrm@jolleyholding.com of jama (297) 528 9550.
Tur informacion ta wordo manteni confidencial.

ACARUCAR
BODY SHOP

30 aña di colaboracion den operacionnan contra traficacion di droga marca cu regreso di barco patruxero pa Region Caribe



Na bordo di Zr.Ms. Groningen, Dialuna 8 di April, a celebra un hecho memorabel importante: hubileo 30 aña di colaboracion estrecho entre Merca y Hulanda riba tereno di lucha contra traficacion di droga den Region Caribe. E hubileo a tuma lugar na Key West, Florida, na unda e sede di "Joint Inter Agency Taskforce South

(JIATF-S)' ta situa.

JIATF-S ta un organizacion unico internacional, guia pa Merca, cu ta trece hunto 19 pais y organizacion, tal manera FBI y DEA, den e lucha contra criminalidad relaciona cu droga den Region Caribe. Marina Real ta hunga un rol crucial den e organizacion guia pa Merca. Hulanda ya pa 30 aña ta for-

ma Task Group 4.4 y ta provee diferente unidad pa operacionnan anti-droga. Como Comandante di Forsanan Naval den Region Caribe Hulandes (C-ZMCARIB) Comandante Walter Hansen ta guia e grupo di tarea.

Comandante Hansen ta describi e colaboracion intensivo como un "bon matrimonio", den cua e hubileo di 30 aña ta marca un hecho memorabel importante. "Transito di droga ta un problema compleho cu ta rekeri un enfoque internacional", segun Comandante Hansen.

E regreso di Zr.Ms. Groningen den Region Caribe Hulandes ta simbolisa e compromiso di Hulanda den e lucha contra traficacion di droga y criminalidad transfronteriso. Asina Defensa ta contribui na pas y seguridad den Region Caribe Hulandes.



Corsou urgi pa implementa reforma financiero despues di evaluacion di Cft

(Curaçao Chronicle) - College Financieel Toezicht (Cft) a provee un recomendacion na Corsou despues di su evaluacion di e presupuesto aproba pa aña 2024. Den un carta dirigi na Minister Sylvania di finanzas, Cft a enfatisa putonan di preocupacion y a propone medidanan pa mehora e pais su estabilidad financiero.

E presupuesto pa aña 2024 pa 2027 ta demostra surplus den e servicio ordinario, cual ta alinea cu e norma central presupuestario di Rft. Sinembargo, preocupacionnan a surgi tocante e metodo den cual lo cubri e deficit den e servicio capital, particularmente pa

loke ta trata prestamonan y refinanciamiento. Cft ta conseha Corsou reahusta e presupuesto di acuerdo na esaki y ta enfatisa e importancia di presenta un plan di likidacion di varios aña.

E recomendacionnan ta inclui desaroya un plan di likidacion pa evalua e necesidadnan di pago y refinanciamiento. Atende e problemanan financiero na Curaçao Medical Center (CMC) y haci provision pa e pais su prestamo na CMC. Revisa e calculacion di ganashi di impuesto basa riba data recien. Haci reservacion pa e debe cu ta anticipa bao e solucion di ENNIA. Ademas, Cft ta urgi Corsou responde



dentro di 14 dia y incorpora e recomendacionnan aki na un amienda di e presupuesto prome cu dia 30 di april 2024.

E evaluacion ta nota surplus significativo den e presupuesto, danki na varios factor incluyendo e gastonan di interes aumenta y e desafionan financiero andando na CMC. Fracaso den atende e problemanan aki por tin un implicacion profundo riba Corsou su estabilidad financiero.

E proceso legislativo atrasa tocante e proveedornan di licencia den gaming su tarifanan ta trece preocupacion tocante proyeccion di ganashi.

Implementacion pronto di e ordenansanan relevante ta crucial pa genera e ganashi den e presupuesto.

Adicionalmente, tin un aumento structural den gasto di personal, cual ta trece e nece-

sidad di alinea cu e prestacion den pasado. Cft ta enfatisa e importancia di Corsou su plan pa likidacion, enfatisando e necesidad di un bista di e strategianan di termino largo pa balansa e inversionnan y pagonan di debe.

ONDERCURATELESTELLING



Krachtens beschikking van 13 februari 2024, behorend bij EJ nummer AUA202303417 van het Gerecht in Eerste Aanleg van Aruba, is Juan Inocencio Hendrik VROLIJK, geboren op 28 december 1945 in Aruba, onder curatele gesteld en benoemt over de onder curatele gestelde tot curatrice zijn echtgenote Luz Amparo GUERRERO ARENAS, geboren op 7 november 1959 in Colombia, beiden wonende in Aruba;

De deurwaarder B.R. Roos

WESTSTRAAT 30 | PHONE: 297 588 0181 | WWW.ROOSDEURWAARDER.COM



Ex Ministernan y embahadornan ta urgi gobierno di Hulanda sigui ayudo di Nacionnan Uni na Gaza

(NLTimes) - Un grupo grandi di ministernan Hulandes y embahadornan a urgi e Gabinete continua e contribucion Hulandes na UNRWA, e agencia principal di Nacionnan Uni (ONU) na Gaza. "Cualquier reforma por tuma lugar despues, pero accion ta necesario awo," nan a skirbi den un carta habri na e Gabinete riba dialuna, De Volkskrant a reporta.

Hulanda a suspende su contribucion na UNRWA anteriormente e aña aki ora cu reportahenan a sali cu empleadonan di ONU posiblemente tabata involucra den atakenan di Hamas na Israel. E investiga-



cion tocante acusacionnan aki ta andando ainda, y e gobierno Hulandes ta wardando e resul-

tadonan. Varios otro donador grandi cu a suspende nan sosten a bolbe cuminsa cu esaki, incluyendo e Union Europeo.

Ex embahadornan y ministernan ta pensa cu e gobierno tin un responsabilidad pa restaura e relacion cu UNRWA awo cu cuminda y medicamento ta drentando Gaza pa prome biaha den lunanan, sin embargo nan contribucion ta hayando problema. "UNRWA ta e unico organizacion cu tin e infraestructura pa permiti e distribucion rapidamente y eficientemente. Pa por alivia e sufrimento di e poblacion, manera hambruna, e organizacion no por ta victima di boycott mas," el a skirbi.

Hulanda lo bolbe habri consulado na Erbil diamars



(Rudaw) - Hulanda riba diamars lo bolbe habri su consulado na Erbil y embahada na Tehran despues di a cera esaki pa dos dia a causa di preocupacion cu Iran lo ehecuta un atake contra Israel, cual a tuma

luga oranan despues cu e gobierno Hulanen a tuma e decision.

E gobierno di Hulanda riba diasabra a dicidi di cera su consulado na Erbil y embahada na Tehran e siguiente

dia, extendiendo e clausura pa un dia mas. "E Ministerio di Asuntonan Exterior a tuma e decision aki den respuesta na e tensionnan cu ta aumentando entre Iran y Israel," el a anuncia.

Oranan despues, Iran a lansa centenares di drone y misil contra Israel, dirigi na

e basenan militar. Tel Aviv a bisa cu 99 porciento di e drone y misil a keda intercepta.

"E embahada Hulandes na Tehran y e consulado-general na Erbil lo bolbe habri pa e publico riba diamars 16 di april," e gobierno Hulandes a bisa den un declaracion di-

aluna.

"Nos lo sigui monitor di cerca e situacion di seguridad na e misionnan y ta posibel cu nan lo cera atrobe den futuro.

Pa motibonan obvio e ministerio no por duna comentario tocante su medidanan di seguridad," el a agrega.



JOB OPPORTUNITY

Paradise Beach Villas is looking for:

General Cashier

REQUIREMENTS:

- High school diploma or equivalent required.
- Papiamento, Dutch & English fluency required.
- Basic accounting skills required.
- Must have experience in Cashiering, Bank Reconciliation, and all Credit Card transactions.
- Must know and be familiar with the use of POS business machines and computers (Microsoft Office).
- Detail oriented. Organized and efficient. Safety-minded. Experience handling cash and equivalents.
- High quality standards for production and service.
- Strong verbal & writing communications skills, and professional manner.
- Flexible working hours.
- Good team player.
- Able to work productively with little supervision.
- Trustworthy and reliable.
- Hotel experience preferred.

We offer:

Competitive salary, dental and vision insurance, attendance incentive, life insurance, wellness program, vacation saving program.

To apply:

Submit your resume at humanresources@paradisebeach.aw
For more information, please contact our Human Resources Department at 525-4000 ext. 4093

Bougainville Development NV
P.O. Box 162878, Altamonte Springs
FL 32716-2878, USA

J.E. Irausquin Boulevard 64 P.O. Box 4308, Noord, Aruba, Dutch Caribbean
T. 297 525 4000 F. 297 587 0071
www.paradisebeachvillas-aruba.com

BNDIA
ARUBA

Ora di **STUUR**
pone bo
cel abou

E text
por
warda
**Bo
bida
NO**

Argentina: Milei a reuni su gabinete pa ratifica aliniacion cu Israel y analisa posibel menasa terrorista

(Infobae) – Despues cu a aterisa na aeropuerto internacional Ezeiza, presidente Javier Milei a bay mesora na Cas Ros pa lidera un reunion di Gabinete di urgencia, unda a analisa seguridad nacional despues di atakenan di Iran pa Israel, loke a genera un conflicto internacional.

Acompaña pa su ruman y secretario general, Karina Milei, e hefe di estado despues di baha for di avion a asisti na e prome encuentro di comite di crisis, eynan tabata wardando e hefe di Gabinete, Nicolás Posse; asesor politico, Santiago Caputo; vocero Manuel Adorni, y e ministernan di Economia, Luis Caputo; di Interior, Guillermo Francos; di Seguridad, Patricia Bullrich, y di Salud, Mario Russo.

Despues di scucha e palabranan di embahador di Israel na Argentina, Eyal Sela, ken a asisti na reunion personalmente pa duna mas precision di e atakenan Irani



na su pais, e grupo a papia tocante implicacion cu e conflicto aki por tin na Argentina y e accionnan cu cada area ta hibando dilanti pa loke ta trata e situacion.

Funcionarionan nacional a analisa den profundidad rapportnan di inteligencia, seguridad, defensa, canciyeria, interior y strategia di Gobierno, cu a alerta riba e debilidadnan cu ta existi na nivel local cu e grupo terroristanan aki.

Ta trata di un documento elabora pa representantenan di cada un di e sector aki y Posse, ken solamente no tabata e persona encarga di coordina e trabou entre tur sino, cu tambe tin cu entrega e texto final na ministernan y presidente, cu ora a ricibi e informacion lo a mester bay back Argentina di manera anticipa.

Tumando na cuenta e con-

texto global y e anteceden-
tenan di atentadonan cometi
pa Iran, a traves di Hezbollah,
contra embahada di Israel y
AMIA, Milei a crea un comite
di crisis vincula cu Forsa
Arma y di Seguridad.
Hefe di Gabinete a compromete
su mes di actualisa e da-
tonan, aunke e prome entrega
ya caba a bati alarma den
autoridadnan nacional: a haci
enfasis riba e vulnerabilidad
existente den e denomina

Tripel Frontera, limite entre Argentina, Brazil y Paraguay.

Presidente sa cu ta trata di un zona cu hopi transito, den cual miles di hende ta pasa pa dia y e controlnan no ta suficiente, den cualkier epoca di aña, cu despues di bombardeonan Irani, Gobierno ta considera fundamental reforsa mecanismonan di prevencion.

Dianan atras, Gobierno a dicidi reforsa seguridad den varios punto sensibel di e pais, manera aeropuertonan, institucionnan religioso y cultural vincula cu comunidad hudiu y sede di algun embahada.

Di su parti, hefe di Gobierno Javier Macri, diasabra ultimo a ordena pone den funcionamiento un plan di contingencia di Division di Obhetivo Sensibel di terrorismo na Ciudad di Buenos Aires, “cu e fin di garantiza seguridad den obhetivonan considera como strategico.”

Piscadonan a haya boto cu varios cadaver na Brazil

(AP) – Diasabra ultimo piscadonan a haya un boto chikito di palo yen di cadavernan den un estado di descomposicion avansa dilanti di e costa noreste di Brazil, segun medionan local a informa.

Fiscalia di Brazil den un comunicado a indica cu a manda un grupo forensico na e area pa determina di na unda e boto cu e cadavernan a bin. “Algun rapport ta señala cu por tin hasta 20 cadaver,” e comunicado di Fiscalia a detaya y tambe a anuncia cu a habri un investigacion penal y civil pa e caso aki.

No ta prome biaha cu piscadonan ta descubri botonan cu cadaver na banda di ocean Atlantico. Na 2021, por lo menos 7 boto yen di cadaver a ser lastra pa lama na Brasil y pa e Caribe Oriental.

Investigacionnan di autoridadnan local ta determina cu den algun caso e botonan aki ta transporta migrantenan Africano cu ta purba yega na islanan Canarias, segun den caso aki nan no a logra yega y nan a keda durante varios siman na ocean Atlantico.

Ademas, e corant O Liberal, a publica e conclusion preliminar di un comisario di polis local, ken a bisa cu tabatin cerca di 20 curpa den estado di descomposicion avansa y nan ta sospecha cu por trata di “refugiadonan di Haiti,” un pais cu ta bibando un crisis politico, social y economico severo.

Sinembargo, un ekipo di Polis Federal cu ta inclui miem-


bronan di Distrito Federal di Brasilia, a yega te e luga “pa descubri ken ta e personanan cu tabata den e boto aki” mediante protocolnan di identificacion di victimanan di desaster, nan a amplia e radio di e posibel origen di e boto hasta continente Africano, na unda e conflictonan arma cu ta desaroya na varios pais a provoca un exodo migratorio pa Europa.

“Te ainda nos no sa e cantidad, nacionalidad, ni e causa di e morto di e victimanan,” e corporacion a señala den un comunicado.

E boto a ser haya na un region conoci como Salgado, na noreste di Para, na unda tin varios reserva protegi y principalmente tin comunidadnan tradicional cu ta biba di piscamento, actividadnan

artesanal y captura di cangreu.

Polis Federal Brasileño a manifesta cu nan ta investiga e caso “den colaboracion cu varios organismonan di seguridad publico” di Para, cu tambe a respalda loke O Liberal a publica indicando cu e victimanan por a fayece como consecuencia di un naufragio.



Conseho Presidencial di Transicion di Haiti ta denuncia “mala fe” di e gobierno di Ariel Henry

(DiarioLibre) - E estructura-, partido- y aliansan politico cu ta conta cu representantenan den e Conseho Presidencial di Transicion di Haiti a denuncia e supuesto manio-branan di e gobierno di e prome minister Ariel Henry, cu ta pone obstaculonan na e Conseho pa keda mas tempo na poder.

E organisacionnan aki a expresa, a traves di un comunicado cu a wordo publica dia-domingo, cu nan ta declaran nan mes “profundamente conmociona ora cu nan a conoce e decreto publica” diabierna ultimo pa e gobierno ainda lidera pa Henry.

“E actornan cu a firma e proceso di dialogo, cu tabatin como resultado e acuerdo di dia 11 di maart di 2024, ta rechasa e validez di e decreto di 12 di april di 2024,” miembronan di e Conseho Presidencial a indica.

E structuranan aki ta denuncia e introduccion di modificacionnan importante cu ta bay deforma e proyecto acorda den un ehecutivo di realisa pa e Conseho Presidencial di Transicion, un consenso construi entre e partinan interesa desde dia 11 di maart 2024.

Nan ta denuncia e hecho cu e gobierno y Henry, ken ta na

Merca ainda y cu a priminti su renuncia na momento cu e Conseho keda constitui, a opta pa no publica, ni sikiera menciona, e acuerdo politico di dia 3 di april den e decreto di diabierna ultimo, pa cual ta crea e Conseho Presidencial di Transicion, y pa no publica loke ta relaciona na e orden di nombramento di e miembroman di e Conseho Presidencial di Transicion.

E institucionnan aki ta exige e cumplimiento estricto di e compromisonan adkiri pa e gobierno demisionario durante e proceso politico lidera pa e Comunidad di Caribe (Caricom), solicitando pa nan tuma medidanan pa publica e acuerdo politico y e documento ariba e organizacion y e funcionamiento di e



Conseho Presidencial den e corant oficial Le Moniteur.

den orden.

Nan ta pidi tambe pa crea comisionnan bipartidista di traspaso di poder y pa instala mas pronto posible e Conseho Presidencial di Transicion den e forma y contenido defini den e acuerdo politico pa un transicion pacifico y

E Conseho Presidencial di Transicion di Haiti a keda constitui oficialmente despues di e publicacion di e decreto corespondiente diabierna ultimo den e boletin oficial Le Moniteur, net un luna despues di e acuerdo di su creacion.

Republica Dominicana: CEA ta finalisa censo ariba propiedadnan di Estado

(DiarioLibre) - E presidente Luis Abinader ta bay informa e pais ariba e inventario di tur e propiedadnan y bienes inmobiliario di e Estado Dominicano y su cuantificacion, e director ehecutivo di Bienes Nacional y honorifico di e Consejo Estatal del Azucar (CEA), Rafael Burgos Gomez, a anuncia dialuna.

E funcionario a delanta cu ya caba e rapport final di e censo realisa pa determina e informacionnan aki a wordo entrega na e mandatario. El a destaca cu e inventario aki, e prome cu ta wordo realisa den e historia di e pais, ta cay den e marco di e obhetivo di e presidente di proporcionala e Estado cu cada biah mas transparencia pa beneficio di henter e pais.

E resultado di e censo aki ta bay ofrece un imagen cla y completo di e activonan inmobiliario di e Estado, cualnan ta inclui: bienes y construccionnan di e gobierno: construccion di institucionnan descentralisa; infraestructura vital; institucionnan mescla cu e Estado; accionnan inmobiliario mescla cu e Estado; bienes minero cu ta propiedad di e Estado; teranan propiedad di e Estado, entre otro.

El a indica cu pa e proyecto nan a diseña un plan di ehecutacion cu ta inclui e implementacion

di un tecnologia specialisa pa e almacenamento, siguimento y control di e informacion obteni. “E sistema aki di gestion di proyectonan ta bay permiti un maneho eficiente y continuo di e datosnan,” el a subraya.

E funcionario tambe a informa cu den 18 luna cu e tin liderando e Direccion General de Bienes Nacionales y e Consejo Estatal del Azucar (CEA-Corde), nan no a permiti e benta di ni un meter di tera propiedad di e Estado, “contrario na loke a sucede den gestionnan anterior, cu incluso despues di e decreto 268-16, a realisa 1.200 contractnan irregular.”

Burgos Gomez a destaca cu ta trata di un labor pisa cu ta rekeri di tempo y ta bay wordo desaroya dia pa dia sin drenta den polemica ni viola ningun derecho.

E funcionario a bisa cu trata di sectornan cu hopi poder politico y economico cu ta exhibi e propiedadnan aki, cu nan a concede nan violando e decreto 268-16 y cu den e gobierno aki ta duna cumplimento.

Burgos Gomez a duna como un hecho e fusion di CEA-Corde/ Bienes Nacionales, nan ta warda solamente e aprobacion di e ley nobo cu ta bay regul’e.

Ademas, el a anuncia cu e desarojo di implementacion di un serie di programanan destina na preserva e activonan di Estado Dominicano ta avansando.

Aruba Bank y Sentoo ta Asocia pa haci Pagonan Local Online facil



Aruba Bank ta anuncia cu orguyo un colaboracion strategico cu Sentoo, un metodo di pago interno di confiansa pa un miho comodidad di e cliente. E sociedad aki ta permiti na e cliente di Aruba Bank uza sin niun problema Sentoo pa diferente transaccionnan online, incluyendo compra den webshop y pagonan a traves di links of QR code.

Sentoo ta debita di manera eficiente e transaccionnan den e cuenta di tur usuario di Aruba Bank, garantizando un proceso di pago sigur y senciu. E integracion aki ta den su fase final y lo ta disponibel pa cliente di Aruba Bank den e proximo lunanan.

Innovacion den Pago Online

Sentoo ta ofrece solucionnan na vanguardia pa haci pagonan directo na compania y organizacionnan a traves di Online Banking. Cu conexcion directo na Online Banking y e Mobile App di Aruba Bank, Sentoo ta simplifica e proceso di pago, mehorando e experiencia general di pago online pa e cliente di Aruba Bank.

“Na medida cu mas persona ta duna prioridad na e comodidad, Aruba Bank ta compromete pa ofrece solucionnan innovativo manera Sentoo. E colaboracion aki ta alinea cu nos compromiso di duna servicionan financiero eficiente y sigur”,

ta afirma Ramon Mas, Head of Corporate and Platinum Banking Aruba Bank N.V.

Transaccion mas facil y rapido

Sentoo ta elimina e necesidad pa cliente tin cu bishita e sucursalnan of tin cu introduci di forma manual informacion di pago. E cliente di Aruba Bank pronto lo tin acceso na Sentoo sin registracion adicional y sin download un app, y no tin costo adicional asocia pa e consumido.

Transaccion Online di forma sigur

Pa e cliente comercial di Aruba Bank, e asociacion aki ta permiti pa nan registra cu Sentoo pa acepta pago online di un forma sigur. Sentoo ta ofrece solucionnan pa e comercio electronico, facturacion y donacionnan cu ta cumpli cu stricto rekisitonan bancario. Vincent van Rutten, cofundador di Sentoo ta expresa hopi entusiasmo pa e colaboracion y ela bisa: “Nos ta hopi complaci di introduci esaki pronto na Aruba Bank. E asociacion aki ta refleha e reconocemento di Aruba Bank na Sentoo como un solucion aline na e necesidad y expectativanan cambiante di e consumidornan.” Pa mas informacion bishita <https://sentoo.io>

Pa mas informacion tocante Aruba Bank y Sentoo, y pa aaplica, por favor bishita www.arubabank.com/sentoo-for-business

Supervisor di arma pa pelicula 'Rust' condena na 18 luna den prizon



(AP) - Un supervisor di arma a ser condena na 18 luna den prizon den e tiro fatal di e cinematografo di parti di Alec Baldwin durante grabacion di e pelicula Rust, durante un audiencia dialuna unda e familiarnan y amistanan a duna nan testimonio cu a inclui yamadonan pa husticia y castigo cu lo pone mas responsabilidad riba seguridad durante grabacion di pelicularnan.

Hannah Gutierrez-Reed a

ser condena den maart pa un hurando di e acusacion di asesinato involuntario den e fayecimento di e cinematografo Halyna Hutchins y a ser deteni pa mas di un luna na prizon di Santa Fe.

Fiscalnan a culpa Gutierrez-Reed di a hiba municion real na e sitio di grabacion, unda e tabata sumamente prohibi, y pa su fayto den no cumpli cu e protocolnan di seguridad di arma basico.

Gutierrez-Reed no a mira

exito den su peticion pa un sentencia mas leve, bisando e hues cu e no ta e monster cu hendenan kier pa e ta y cu el a purba haci su miho trabao apesar di no tin suficiente "tempo, empleado y recurso."

Baldwin, e actor principal y co-productor di Rust tabata senalando e arma na Hutchins durante training na e sitio di grabacion pafo di Santa Fe den october ora cu e arma a dispara, asesinando Hutchins y heridando director Joel Souza. Baldwin



a declara su mes inocente di asesinato involuntario y lo cuminsa huicio den juli na corte di Santa Fe.

E sentencia conta Gutierrez-Reed a ser duna pa hues di New Mexico Mary Marlowe Sommer, ken ta encarga cu e procesonan contra Baldwin. E hues a bisa cu cualkier cantidad menos cu e sentencia maximo no ta apropiada mirando cu Gutierrez-Reed su descuido ta di mesun peso cu un ofensa violento serio.

"Bo tabata e persona encarga, e persona cu ta para entre un arma safe y un arma cu por mata," e hues a bisa Gutierrez-Reed. "Abo so a converti e arma den un arma letal. Si no ta pabo, Sra. Hutchins lo ta bibo, su casa lo tin su pareha y un mucha chikito lo tin su mama."

Gutierrez-Reed tabatin lagrima den su wowo, ora cu Hutchins sui agente a papia tocante e cinematografo su creatividad y a describi su persona como un cinematografo cu tabata yegando nivelnan halto den su carera.

El a bisa cu e ta un cadena di evento cu a causa Hutchins su fayecimento y cu si Hannah lo a haci su trabao, e cadena lo a keda kibra.

"Realmente mi ta sinti cu esaki a pasa a causa di negligencia," Steven Metz, amigo cercano a testigua. "E caso aki mester crea e standard pa otro actor,a, y cinematografonan y tur otro persona kendenan su bida ta den riesgo ora cu bo tin negligencia di e persona encarga cu arma, un supuesto profesional."

Abogado basa na Los Angeles Gloria Allred a lesa e declaracion di Hutchins su mama, Olga Solovey, ken a bisa cu su bida a parti den dos y cu tempo no a cura, sino alarga su sufrimento y dolor. Un video, di un Solovey cu lagrima den su wowo y ta biba na Ucrania, tambe a ser pasa den corte.

"Lo mas duro den bida ta perde un yiu. No tin palabranan pa describi e dolor," Solovey a comenta den su idioma natal.



We are Hiring
Housekeeping Manager

Apply NOW





Acto oficial di traspaso di cas veneranda

Recientemente a tuma luga e ceremonia di a traspaso oficial di Cas Veneranda. Minister Maduro tabata presente y a hiba un discurso na unda el a trece dilanti entre otro, e esfuersonan di Monumentenfonds y Monumentenbureau como tambe e importancia di e monumento aki.

“Nos a bini hunto pa formalisa e acto oficial di traspaso di Cas Veneranda y asina duna inicio na e restauracion di e edificio historico aki. Un proyecto cu Monumentenfonds a traha hopi duro riba dje pa asina por restaura e edificio aki den su estado original y duna un bida den centro di nos ciudad como oficina y tambe horeca.”

E mandatario a splica cu despues di e formalisacion di e acto di traspaso, Stichting Monumentenfonds lo cana e caminda oficial di Monumentenbureau pa Cas Veneranda por bira un monumento proteha. E proceso di proteccion di monumento tin su procedura cu ta bay cune y si tur cos bay manera planea y no presenta ningun obheccion, pronto Cas Veneranda ta wordo oficialmente proteha pa ley y lo por ricibi su seyo di monumento proteha.

Ta importante pa nos monumentonan wordo conserva ya cu monumentonan tin un balor importante como herencia di un pais, pero tambe e ta conta storianan di nos pais Aruba. Stichting Monumentenfonds ta stimula preservacion di monumentonan di nos pais y tambe ta stimula educacion y conscientisacion tocante e importancia di nos monumentonan y arquitectura como parti esencial di herencia cultural di pais Aruba.

Cas Veneranda ta rico na historia y nos sa cu varios di e personanan cu ta forma parti di e historia di Cas Veneranda no tey awe mas. Pesey sigur e ta un honor cu awe mi por conta un tiki di nan storia y nan rol den haci e historia di Cas Veneranda uno special, cu asina Cas Veneranda por a sigui biba hopi tempo despues cu nan mes ya no tey mas cu nos.

Cas Veneranda cu a ser construi na aña 1936 pa sr. Mercado ‘Dada’ Picus riba instruccion di sr. Federico Maximiliano ‘Machi’ Arends pa



su casa sra. Maria Veneranda. E arkitekto Dada a bay Cartagena, Colombia pa wak un cas estilo neobaroco di latinoamericano cu e casa di sr. Machi Arends tabata gusta pa construi Cas Veneranda den mesun estilo. Den e tempo ey Cas Veneranda tabata un di e casnan mas grandi y cu un arkitektura unico na Aruba.

Cas Veneranda a conoce hopi funcion, e tabata cas di famia

Arends, despues e tabata tambe un luga cu tabata bende ijscream, di Mama Ocha, yiu di Sr. Machi y Sra. Maria. Machi tabata comerciante y consul di Spaña y asina e cas aki tambe a fungi como oficina di consulado di Spaña. Despues di algun tempo Cas Veneranda a bira un discoteque “Club Noveau” y na aña 1978 sr. Irwin y sr. Martin Tauber a habri Papiamento Restaurant akinan. Den añanan 80 e restaurant a cam-

bia di maneho y famia Ellis a bira doño di e restaurant y e restaurant a muda pa otro luga.

Despues cu restaurant Papiamento a muda, e edificio a keda bashi y na aña 2014 un candela grandi a destrui e plafond y dak y tambe acabada di algun muraya.

Cas Veneranda tin un balor historico grandi y tin hopi storia pa conta y ta masha importante pa nos por conserva su recuerdonan.

Actualmente Stichting Monumentenfonds hunto cu ‘Mobile Interaction Company’ di Hulanda tin un proyecto ‘Tales of Cas Veneranda’. Esaki ta un proyecto den cual

ta pidi pa tur hende cu tin storia, anecdota, potret of cu-alkier recuerdo di e edificio di Cas Veneranda den tur su facetanan, di cas di famia, ice cream shop, floristeria, consulado, discoteque y restaurant pa por comparti esaki. Dilanti di Cas Veneranda lo tin un borchu cu e QR code y mi ta haci un invitacion na un y tur cu por tin algun recuerdo di Cas Veneranda pa scan esaki. E Q/R code ta hiba bo na un website y asina bo por conta storia of upload e recuerdo cu bo tin. Ta importante pa por preserva e recuerdonan aki cu ta enrikese nos historia y herencia y ta haci esaki biba den presente y pa futuro generacionnan por conoce.



Announcement of the Government of Aruba (GOA) Bonds Issue – Afl. 110,000,000 6.50% May 10, 2024 – May 10, 2038 Tranche I

Issuance pursuant to the State Decree of April 11, 2024 no. 1 in implementation of article 2 of the State Ordinance of December 20, 2023 establishing the budgets of the Ministries of Aruba for the 2024 service year and authorizing the Minister of Finance to cover its financing needs in the 2024 service year (AB 2023 no. 68), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba (CBA) informs you of the upcoming GOA bond issue on May 10, 2024.

| | |
|------------------|--|
| Amount: | Afl. 110,000,000 (Afl. hundred and ten million) |
| Coupon rate: | 6.50 percent |
| Maturity: | 14 years |
| Redemption date: | May 10, 2038 |

Participation in the upcoming GOA bond issue is only allowed through the intermediation of a commercial bank. **Only natural persons and entities that are residents of the countries within The Kingdom of the Netherlands are allowed to participate in the bond issue. Application forms should be submitted by the public to their respective local commercial bank at the latest on the cutoff date and time stipulated by their respective local commercial bank.** Subsequently, the commercial banks will submit these application forms to the CBA on the cutoff date and time applicable for these commercial banks, which is **Thursday, May 2, 2024 at 12:00 p.m. at the latest**

Aruba, April 16, 2024
Centrale Bank van Aruba

3 Ambulance mester a bay pa un accidente pariba di airport durante e Ronde van Aruba

Diasabra madruga durante e Ronde van Aruba a drenta informe di un accidente cu hende herida pariba di airport, mesora a dirigi tanto polis como ambulance na e sitio.



Na yegada di e patruya a bin compronde cu aki ta trata di un accidente unda un chauffeur burachi a bay dal fuertemente tras di 2 ciclista cu tabata compaña un di e participantenan den e Ronde van Aruba. Polis a nota cu e chauffeur ta burachi y a detene. E ciclistanan a cay y a haya basta sla. Na yegada di e ambulance nan a atende e prome victima mas seriamente herida y a pidi un otro ambulance pa e otro.

Un rato despues e otro ambulance a yega. Ora nan a bay transporte pa hospital un di esnan cu a mira e accidente a bira basta malo y a pidi pa un otro ambulance p'e. Despues di un rato un di tercer ambulance a presenta.

Mirando e gravedad di e accidente polis a pidi presencia di e investigadonan tecnico y forensico pa bini na e sitio y documenta e accidente aki.



Accidente hit & run na Palm Beach, un v-wagen a bandona e sitio pero testigo a wak e y a coy e number

Diabierna anochi a drenta informe di un accidente hit & run na Palm Beach banda di Extassy, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda e otro auto un v-wagen a sigui core bay. Tanto testigo como e camaranan di seguridad den cercania a capta e auto y e number y a pasa esaki pa polis y polis di trafico lo sigui cu e



investigacion y lo bay atende cu e chauffeur cu a core bay y posiblemente detene si e no

pasa meld su mes prome na un di e wardanan di polis.



Announcement of the Government of Aruba (GOA) Bonds Issue – Afl. 50,000,000 5.50% May 10, 2024 – May 10, 2030 Tranche II

Issuance pursuant to the State Decree of April 11, 2024 no. 1 in implementation of article 2 of the State Ordinance of December 20, 2023 establishing the budgets of the Ministries of Aruba for the 2024 service year and authorizing the Minister of Finance to cover its financing needs in the 2024 service year (AB 2023 no. 68), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba (CBA) informs you of the upcoming GOA bond issue on May 10, 2024.

| | |
|------------------|---|
| Amount: | Afl. 50,000,000 (Afl. fifty million) |
| Coupon rate: | 5.50 percent |
| Maturity: | 6 years |
| Redemption date: | May 10, 2030 |

Participation in the upcoming GOA bond issue is only allowed through the intermediation of a commercial bank. **Only natural persons and entities that are residents of the countries within The Kingdom of the Netherlands are allowed to participate in the bond issue. Application forms should be submitted by the public to their respective local commercial bank at the latest on the cutoff date and time stipulated by their respective local commercial bank.** Subsequently, the commercial banks will submit these application forms to the CBA on the cutoff date and time applicable for these commercial banks, which is **Thursday, May 2, 2024 at 12:00 p.m. at the latest**

Aruba, April 16, 2024
Centrale Bank van Aruba

Dama chauffeur a dal steunpaal kibra na Sabana Liber

Diasabra madruga a drenta informe di un accidente na Sabana Liber, mesora a dirigi un patruya na e sitio.


Na yegada di e patruya a bin compronde cu aki ta trata di un auto a baha caminda bay dal e steunpaal kibra. Afortunadamente ningun hende a resulta herida. Elmar a ser avisa pa bin revisa e situacion y wak kiko mester haci pa reinforsa e palo di luz cu e perdida di e steunpaal aki.



Ladronnan a manda bloki pa destrui e porta di glas di Total Store pero no a logra bay cu nada

Diasabra madruga a drenta informe di cu antisocialnan a destrui e porta di glas di Total Store na Sero Blanco, mesora a dirigi un patruya na e sitio.

Na yegada di e patruya a bin compronde cu antisocialnan a manda un bloki pa destrui e porta pero algo lo a stroba nan cu nan no a drenta bay cu nada. Polis a tuma keho di e destruccion aki.



2 individuo bisti na preto cu cara tapa a pega 2 auto na candela y a hera kima e cas

Diasabra madruga a drenta informe cu un auto pasando den Maria Christinastraat a nota 2 persona full na preto cu cara tapa a bay direccion di un pick-up den e caya menciona y pensando cu talbes nan lo a bay pa sea horta e pick-up of horta den dje a dirigi patruya na e sitio.



Na yegada di e patruya a nota cu tin 2 auto na candela y a pidi presencia di bombero. Un rato despues e candela a expande y a cuminsa afecta un cas cerca. Polis a pidi e bomberonan pa bini cu

mas urgencia mientras nan a cuminsa evacua e habitantenan for di nan cas. Na yegada di bombero a nota un botter di gas chikito den cercania bomberonan a hala esaki na un distancia unda e no por

forma peliger. Polis a solicita presencia di e investigadornan tecnico y forensico pa bin haci nan investigacion.

E camara di seguridad a capta momento cu e antisocialnan

aki intencionalmente a pega ambos auto na candela.

E doño a conta polis cu algun ora prome el a hay'e den problema cu un persona conosi p'e unda e per-

sona a saca arma di candela y menas'e pero e no a entrega keho ni pone polis na altura di esaki y probablemente e acto di vengansa aki lo por tin di haber cu esey.

Accidente pisa na e crusada di Sero Pita unda mucha di 3 aña a resulta herida



Diasabra merdia a drenta informe di un accidente pisa cu hende herida na e crusada di Sero Pita, mesora a dirigi tanto polis como ambulance na e sitio. Na yegada di e patruya

a bin compronde cu aki ta trata di un accidente pa falta di preferencia unda un Toyota Land Cruiser Prado biniendo for di Ayo a subi e crusada sin a duna preferencia na e Hyundai

Elantra biniendo for di direccion di Weng Kee.

E impacto tabata asina fuerte cu a kita e wiel completo for di Landcruiser y e impacto tabata net banda patras unda

un mucha di 3 aña tabata sinta y tambe e dama cu tambe a resulta herida. Na yegada di e ambulance ora di a bay tuma e mucha over el a stop di reacciona. Nan a core hib'e den ambulance unda nan a

cuminsa traha cun'e despues un otro ambulance a yega y a pasa e mucha eyden unda eynan a logra haya reaccion y e dama a bay den e otro ambulance y a hiba ambos pa hospital.

Chauffeur a perde control y a bay dal riba un baki beton banda di caminda na Koeriboeri y cana bay

Diasabra atardi a drenta informe di un accidente na Koeriboeri, mesora a dirigi un patruya na e sitio.

Na yegada di e patruya a bin compronde for di bisiñanan cu e chauffeur lo a perde control baha caminda bay dal riba un baki beton banda di caminda y despues baha cana bay na pia lagando e auto atras.

Mientras polis tabata tumando nota a presenta un dama bisando cu e ta e mama di e chauffeur y a avisa polis cu e chauffeur ta na caminda.



Chauffeur burachi a baha caminda y causa varios daño

Diasabra atardi a drenta informe di un accidente dilanti Flamingo Apartments, mesora a drigi patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un B.M.W. a subi acera, dal palo di lus kibra den 2, e parti ariba a

keda colga, sigi bay riba acera dal meter di awa kibra, kibra pilar di cas dal riba otro palo di lus, dal cura di cas kibra bons bek.

Afortunadamente e chauffeur a sali ileso pero a ser deteni pa polis debi na cu ela surpasa e limite di alcohol permiti tras di stuur.



Cu ‘bebidas funcionales’ marcanan ta creando bebidas cu ta haci mas cu smaak dushi

(AP) - E area di bebida den supermarketnan ta birando cada biaha mas similar na un botica.

Tin refresconan crea cu MUSHROOM cu aparentemente ta mehora e claridad mental y juicenan ta yen di bacteria cu ta bisa di mehora e salud digestivo. Awa cu colageno ta carga e promesa di un miho cuero, y bebidas di energia ta ofrece kima vet den e curpa.

Bon bini na e mundo di bebidas funcionales, bebidas cu ta disena haci mas cu smaak dushi of hidrata. Loke a cuminsa den fin di aña 1980 cu bebidas di energia yen di cafeina of vitamina manera Red Bull awo a bira un industria di biyones. Centenares di marca ta halando atencion di consumidornan cu cada biaha ingredientenan mas exotico y marketing enfoca riba bienestar.

Si bo ta sinti stress, purba un bebida cu ashwagandha, cual tin tempo caba usa den medicina herbal. Bo kier mehora bo ehercicio? Tin bebida cu ta contene chromium, un mineral cu ta mehora bo metabolismo. Bo kier un sentido di animo mas leuk sin alcohol? Varios compania ta creando bebidas y cerbes cu no ta alcoholico cu ingredientenan manera guayusa, un blachi di mata cu ta contene cafeina y antioxidantenan.

Compania di inteligencia di consumidor NielsenIQ a conta 53,000 simbolo di UPC na Merca su categoria di ‘functional beverage’ aña pasa, incluyendo tur e diferente sabor di bebidas pa energia, soda, awa, y te, entre otro, cu ta bendi cu e meta



di mehora e salud fisico of mental.

Nutricionistanan ta bisa cu e moda general di consumidor di busca bebida mas saludabel ta uno bon, sinembargo expertonan ta bisa cu hende mester tin cautela y lesa bon e ingredientenan, specialmente si bo ta na estado, bebiendo remedi of tin otro problemanan di salud. Tambe mester evita calorianan bashi y sucu cu nan no ta bay kima. Un bebida di Monster di 16oz tin casi mesun hopi cantidad cu un Coke regular, por ehempel.

“Un hende cu ta core un marathon tin necesidadnan diferente na un persona cu ta bayendo trabao,” Martha Field, un profesor assistent den e division di ciencia di nutricion na Cornell University a comenta.

U.S Food and Drug Administration ta regula ingredientenan y ta rekeri e label di e bebida ta honesto, y Federal Trade Commission por tuma accion si un compania gana riba e label. Den aña 2013, FTC a determina cu Pom Wonderful tabata falsamente promovi como clinicamente comproba di trata, preveni of

reduci e riesgo di malesa di curason of cancer di prostata.

Creadornan di bebidas funcionales generalmente ta haci declaracionnan menos specifico y e ciencia tras di nan hopi biaha no ta concluso. SkinTè ta bisa cu e ta “sostene hidratacion di e cuero y elasticidad” cu 3,000 miligram di colageno den un bleki di 12oz. Sinembargo aña pasa, investigadonan di Harvard Medical School a bisa cu te ainda no tin evidencia solido pa sostene cu e bebida cu colageno ta mehora e cuero of e crecimiento y huña y cabey.

Reaccionnan negativo tambe por tuma luga. Panera Bread ta enfrentando por lo menos dos demanda cu ta bisa cu su Charged Lemonade, cual ta yen di cafeina, a causa e morto di 2 persona cu problema di curason. “E ta importante pa corda cu tur cos tin e potencial di ta ambos toxico y safe, dependiendo riba e cantidad. E dosis ta crea e veneno,” Joe Zagorski, un toxicologo pa Center of Research on Ingredient and Safety na Michigan State University a splica. “Pa motibo cu ta dificil determina e cantidad exacto di cierto

ingrediente den e bebidas aki, ta miho pa tin cautela na luga di sobre consumi.”

Den algun manera, no tin nada nobo tocante ser humano buscando beneficiosnan agrega na nan bebidas. Egipcianan y Romanonan tabata bebe te di manzanilla pa su efectonan percibi. Den aña 1935, un microbiologo Hapones a introduci Yakult, un bebida di lechi fermenta cu awo ta bendi rond di mundo como un manera di me-

Modanan ta subi y baha den e categoria. Merca su benta di bebidas probiotico y prebiotico a bira mas cu tripel ana pasa, mientras bentanan den e categoria mas madura di kombucha a aumenta cu 8 porciento, segun data di Alix-partners.

“E conocimiento di consumidornan pa loke ta trata e funcion di e ingredientenan a aumenta,” Sherry Frey, vice presidente di bienestar na



hora e salud di bo digestion.

NielsenIQ a comenta.

Den e mita id e ultimo siglo, bebidas for di Ovaltine te juice di wheatgrass tabatin su momentonan elogia como suplemento nutricional. Loke ta diferente awo ta rednan social, cual ta permiti e plamamento rapido di informacion tocante ingredientenan menos familiar, Cornell’s Field a conta.

2 di e mas recien ta adaptogen, cual ta matanan cu a ser demostra di yuda e curpa responde na faitga y stress, y nootropics, cual ta mehora dornan sintetico of natural di funcionnan cognitivo manera cafeina, ginkgo of aminoacido.

Pa algun, e declaracionnan di salud den e bebidas aki ta secundario. Amy Cassels, un coach di fitness y salud di Magnolia, Texas, a bisa cu tipicamente nan ta contene ingredientenan natural, manera juice di fruta como e fuente di sucu of endulsante. E ta disfruta di Poppi, un refresco prebiotico, como un treat di un biaha pa dia.

“Ora mi bebe algo asina, mi no ta kere cu mi ta nutriendo mi salud. Pero tampoco mi ta causando daño na dje,” Cassels a splica. “E ta un treat cu no ta carga culpa den dje.”



ANUNCIO/BLBA/092/24

Mediador di Gobierno na Aruba ta anuncia cu a base di articulo 1 inciso 2 di “Arbeidsvredebesluit 111” cu e siguiente peticion a ser ricibi pa tene un Referendum bao di e empleadonan di e empresa menciona aki bao.

Number **peticionario:** “Federacion di Trahadornan di Aruba (FTA)”

Number **EMPRESA:** “Botica Del Pueblo N.V.”

Atencion ta wordo poni ariba posibilidad pa sindicatonan interesa pa dentro di **14 dia** despues di e fecha di e anuncio aki, trece nan deseo pa participa na dicho Referendum na conocimiento di Mediador.

Oranjestad, 15 april 2024
Mediador di Gobierno
Anselmo Pontilius

Club di dam Arowak ta organisa torneo di dam “Dia di Rey 2024”

E aña aki, Club di dam Arowak ta organisa su torneo di dia di rey riba e siguiente fechanan.

Diaranson awor (17 April) e promer rond lo wordo hunga pa 7:00 di anochi; Diaranson (24 April), e segundo rond lo wordo hunga (7:00pm); Diabierna 26 April pa 7:00pm, e tercer rond lo wordo hunga; Y diadomingo 28 April e ultimo 2 rondnan lo wordo hunga pa 10:00 di mainta y 2:00 di atardi.

Tur e weganan lo wordo hunga den nos club na Sun Plaza 401-L (di 4 piso). Duracion di un partido lo ta



60 minuut pa banda cu un incremento di 30 seconde despues di cada zet (desde di e promer hugada). Anotacion di e weganan ta

obligatorio. Pa hungadornan nobo sin experiencia pa anota wega, esaki ta opcional. Inscripcion ta gratis pa miem-

bronan di club. Pa hungadornan nobo cu kier hunga solamente e torneo aki, inscripcion ta posibel pa un prijs. Tambe ta posibel pa bira miembro.

Nos lo hunga un total di 5 rond riba e 2 diaranson, 1 diabierna y 1 diadomingo menciona aki riba.

Sistema di wega lo ta sistema Suisa, unda ganadornan ta topa otro.

Den caso di empate na final, punto di resistencia (weerstandspunten) y despues punto di SB, lo determina e ranking final di e hungadornan.

E promer 3 lugarnan ta haya un trofeo.

Entregamento di premio lo ta

despues di e ultimo wega diadomingo (28 April). Esaki lo ta rond di 5:00 di atardi.

Pa registra pa e torneo aki, por contact Mario Jansen na cel (whatsapp) 699-8245, of Octavio Croes (cel/whatsapp) 594-5590 of Ricardo Wever 592-6391.

Esaki por wordo haci te cu diaranson (17 April) pa 6:00 di atardi.

Tur hungador di dam ta bon bini.

Si bo no por anota wega, tambe bo ta bon bini. Hungadornan cu pa promer biaha ta participa na nos torneo y no por anota, ta liber pa anota.

Cu alrededor di 700 participante, Ronde van Aruba tabata un exito

Diabierna anochi a tuma luga e magno evento deportivo Ronde van Aruba 2024. Prome Minister Evelyn Wever-Croes tabata presente na Marinierskazerne na unda el a duna un discurso cortico prome cu e evento a cuminsa. Ronde van Aruba ta un evento deportivo hopi conoci y gusta pa esnan cu ta den e mundo di coremento, mirando cu e ta un reto hopi grandi pa cada un di nan como deportista.

Evento a cuminsa pa 8or di anochi na Marinierskazerne, y a conta cu alrededor di 700 participante cu a core rond di Aruba, pa termina den oranan di mainta bek na Marinierskazerne. Pa e competencia aki, tabatin atletanan den grupo y individual.

Prome Minister a expresa, cu pa presencia e comienso di Ronde van Aruba, na unda tur e atletanan a prepara pa cuminsa, tabata un sentimento particular, na unda por sinti e vibracion di positivismo, y e amor cu cada atleta tin pa e deporte di coremento. Pasobra, pa por logra competi den un evento di e magnitud aki, ta tuma hopi dedicacion, disciplina, determinacion, y e deseo pa por yega te na final exitosamente.

“Como Prome Minister di pais Aruba, mi ta hopi orguyoso di cada un di e atletanan cu a tuma e reto aki di participa na Ronde van Aruba. Un danki na Marinierskazerne pa organisa e evento aki, y na tur



e sponsornan cu a haci esaki posibel. Por ultimo, mi kier a gradici tur e participantenan pa ta un inspiracion pa cada un di nos, y pa nan contribucion na engrandeciendo deporte na Aruba”, Prome Minister a epxresa.

Pabien na tur participante y na e ganadonan di Ronde van Aruba



Entrenador Olimpico di Gimnasia na Aruba pa un training camp cu Federacion Gimnastico Arubano

Miembronan di Comité Olimpico Arubano su Direccion di Deporte y Secretaria General Nicole Hoevertsz a atende e training camp di Federacion Gimnastico Arubano (FGA) cu tin un entrenador internacional bishita for di USA, Yin Alvarez.

E entrenador di descendencia Cubano cu su mes como atleta a mira hopi resultado internacional, ta forma parti di e team di Estados Unidos como entrenador, cu tin riba su resumen tremendo resultado manera medaya di bronce na London 2012 di su atleta y yiu Danell Leyva.

Entrenador Alvarez lo traha cu atleta di tur diferente club y seleccion di Aruba durante 4 dia, unda cu hunto cu e entrenadornan di seleccion di FGA, lo pasa door di tur aspecto di gimnasia cu e atletanan. Awe a logra haci conoci cu e entrenador, compronde su obhetivo pa e training camp y asina observa su entrenamiento cu nos atletanan local.

Ta desea exito na entrenador Alvarez y alabes ta duna palabra di pabien na FGA pa a logra un training camp di e nivel aki, asina desaroyando y elevando e nivel local di gimnasia.



Oferta di Francia pa organisa Olimpiada di Winter 2030 den combersacion cu Italia y Hulanda

(AP) — E candidatura Frances faborito pa organisa Olimpiada di Winter 2030 ta den combersacion cu Hulanda y Italia pa e caredanan di schaats di velocidad.

E opcion transfronteriso a keda detaya ayera pa oficialnan di Comité Olimpico Internacional prome cu un bishita proximo siman na e sitionan proponi na resor nan di ski den Alpes Fran-

ces y Nice, e ciudad costeno afuente den Riviera Frances. Nice no tin suficiente sitio pa tur evento Olimpico riba ijs, y Comité Olimpico Internacional (IOC na Ingles) awo ta curasha anfitrionnan pa evita costo di construccion door di haya opcionnan mas barata den exterior.

Director ehecutivo di IOC pa Weganan Olimpico, Christophe Dubi, a sugeri bisiñanan di Francia, Italia — cu

ta bay ta anfitrion di Olimpiada di Winter 2026 na Milan y Cortina d'Ampezzo — y Hulanda, dominante pa largo den schaats di velocidad. E team Hulandes a gana seis medaya di oro den schaats di velocidad na Olimpiada di Beijing 2022, incluyendo tres pa Irene Schouten.

E oferta di Alpes Frances ta spera di keda confirma como e anfitrion di 2030 na un reunion dia 23 y 24 di juli di

IOC na Paris den bispo di Olimpiada di Berano. Anfitrion di Olimpiada di Winter 2034 tambe lo mester keda dicidi na Paris, cu Salt Lake City, Utah, como e candidato preferi.

IOC ta duna su miembronan un solo candidato pa aproba na lugar di pidi ofertanan rival pa campaña prome cu e voto. E proceso nobo ta baha gasto y ta evita e riesgo di mas scandal di compra di voto.





Diamars 8:30 PM - FORUM na Telearuba:

Importancia di Child Car Seat den Trafico

Comision Trafico Sigur ta contento di anuncia e lansamento di su prome programa di Television hunto cu Telearuba esta Forum, cu e meta pa educa comunidad ariba diferente aspecto di seguridad den trafico. E programa lo wordo transmiti Diamars 16 di April 2024, di 8:30 p.m. pa 9:30 p.m., via TeleAruba y tambe Live riba Facebook.

E prome programa lo enfoca riba e topico critico di uso di e asiento pa mucha (CHILD CAR SEAT) y su importancia primordial den proteccion di muchanan den trafico. Hopi mayornan no ta tuma esaki mucho na serio, pero durante un accident



of incidente, sin importa e gravedad, e muchanan ta sufri e mayor consecucionan. Den e prome programa lo tin panelistanan experto den diferente ramo y televidentenan por spera informacion

amplio di:

Impacto di negligencia di Child Car Seat: E expertonan lo duna un bista riba e consecuencia nan pa un baby of e culpa di un mucha den caso

cu e wordo envolvi den un accidente mientras cu e no ta firmemente sinta den un Child Car Seat.

Ley di trafico: Lo duna un bista di e leynan existente cu ta diseña pa proteha mucha den auto y e consecucionan di viola e reglanan aki.

Guia di Uso Corecto: Pa brinda e mayor, familiar di e mucha conocimiento practico, e programa lo ofrece conshonan valioso con pa usa un Child Car Seat den un vehiculo na un manera corecto y efectivo.

Comision Trafico Sigur ta dedica na promove seguridad ariba caminda y proteha nos comunidad, especialmente nos muchanan di acciden-
tenan cu por a wordo evita.

Pa medio di e programa di TV aki, ta trata di empodera e televidentenan cu e hermentnan necesario pa nan seguridad.

Si bo tin preguntanan of preocupacionnan tocante seguridad di mucha den trafico, nos ta curasha bo pa manda bo preguntanan durante e programa via whatsapp na 5972323. E panelista nan lo trata di contesta tur preguntanan cu wordo manda durante di e programa.

Sintonisa TeleAruba diamars 16 di April pa 8:30PM pa mira e prome programa di television Trafico Sigur via TeleAruba Forum. Hunto, ban haci nos camindanan mas sigur pa un y tur. Salba Bida, Scoge pa Seguridad!

Recordatorio pa cu proceso pa saca of renoba certificado di salud

Dienst Warenkeuring en Hygiene (DWH) di Departamento di Salud Publico cu ta encarga cu otorgamento di e carchi di salud of tambe yama "carchi berde" ta informa lo siguiente.

Segun ley di Personeelsbesluit warenverordening AB 1995 no. GT 2 tur persona cu ta traha cu alimento y/of bebida designa pa consumidor mester tin un Certificado di Salud na ordo. E Certificado di Salud mester ta vigente y visibel pa e inspectornan di seccion di Dienst Warenkeuring en Hygiene di Directie Volksgezondheid na tur momento.

Pa por haya un Certificado di Salud e persona mester cumpli cu lo siguiente:

Pa prome peticion:

- Acudi na seccion di Dienst Warenkeuring en Hygiene di Directie Volksgezondheid na Dr. Oduberstraat 1;
- E persona mester acudi cu un identificacion;
- Un cedula di Aruba valido;
- Of un paspoort of rijbewijs valido conhuntamente cu un papel di censo di Afl. 5,- (no mas bieu cu 6 luna)

Despues ta acudi na Financiën di Directie Volksgezondheid pa cumpli cu pago di Afl. 30,-

Renobacion:

Acudi na seccion di Dienst Warenkeuring en Hygiene di Directie Volksgezondheid na Dr. Oduberstraat 1;


E persona mester acudi cu un identificacion:



















Despues ta acudi na Financiën di Directie Volksgezondheid pa cumpli cu pago di Afl. 30,-



Testnan cu mester wordo haci ta test na un laboratorio y ta paga Afl. 40,- pa test di faeces (pupu) y lo mester entrega e faeces (pupu) no mas tarda cu 2 dia cu a cuminsa cu e proceso. Tambe lo mester haci e test di Röntgen. Esaki ta pa personanan di (18 aña+) y lo mester saca un potret di thorax (pecho). Pa e test aki mester acudi na Hospital, ImSan of Urgent Care pa saca potret, esaki tin un costo tambe.



Pa cu e resultado di e testnan aki, despues di 10 dia di trabou cu e persona a entrega e faeces (pupu) na Laboratorio por acudi na seccion Dienst Warenkeuring en Hygiene di Directie Volksgezondheid pa busca e Certificado di Salud. E Certificado di Salud tin un validez di 1 aña, e fecha di vencemento ta poni ariba e Certificado di Salud.


Pa mas informacion por tuma contacto libremente cu seccion Dienst Warenkeuring en Hygiene di Directie Volksgezondheid na telefon 522-4200 of via email: dwh@dvg.aw

| | | | |
|---|--------|--|----------|
| Resultado Sorteo <i>April 15</i> | |  | |
| Cadena Alexander Lottery ta presenta resultado di weganan di suerte | | | |
| DIARIO | KORSOU | SUPER4 | FLAMINGO |
| 2994 | 3633 | 4131 | 3537 |
| 1510 | 8655 | SUPER5 | 0549 |
| 1407 | 7585 | - | 5147 |

| | |
|--|--|
| MERDIA | ANOCHI |
| <div> Sorteo # 4239 3004 2973 0528  X2  Sorteo # 4239 4867  X2  Sorteo # 2295 8507  Sorteo # 4239 8380 Piscis  Sorteo # 1113 195  X3</div> <div><div> Sorteo # 8219 0737 2897 0114  FP  Sorteo # 7263 8755  X3  Sorteo # 1968 4765  Sorteo # 6022 8324 Capricornio  Sorteo # 952 152  X2</div></div> | <div><div> Sorteo # 0 x Jackpot 0 x Match 4+ 0 x Match 4 0 x Afl. 12,00</div><div> Sorteo # 6445 0 x Jackpot 4 x Match 4 113 x Afl. 8,00</div></div> <div><div>JokerLetter Proximo Jackpot 210.000,-</div><div>01-03-18-22-25 Proximo Jackpot 60.000,-</div></div> |

| | |
|--|---|
| <div> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div> <div> Afl. 460.000,-</div> | <div>Mega Ball Proximo Jackpot 360.000,-</div> |
|--|---|

| | |
|---|--|
| <div> Sorteo # </div> |  |
|---|--|



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel: 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
del Pueblo San Lucas
Tel. 582 1253 Tel. 584 5119

EMERGENCIA 911

POLIS

Oranjestad 100

San Nicolas 104

Santa Cruz 105

Noord 107

Tip Line 11141

Brandweer 115

Ambulance 911

Hospital 527-4000

Imsan 524-8833

Warda Costa 913

Seguridad Nacional 11911

Cruz Cora 582-2219

BOTICA

Aloe 584-4606

4 Centro Medico 584-5794

Central 585-1965

Dakota 588-7364

Del Pueblo 582-1253

Eagle 587-9011

Kibrahacha 583-4908

Maria 585-8145

Di Servicio Noord 586-4606

Oduber 582-1780

Paradera 588-6638

San Lucas 584-5119

San Nicolas 584-5712

Santa Anna 586-8181

Santa Cruz 585-8028

Sero Preto 584-4833

Trupial 583-8560

UTILIDAD

Setar 117

Web 525-4600

Elmar 523-7147

FUNERARIA

Aurora 588-6699

Royal Funeral H. 586-4444

Ad Patres 584-2299

Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Scopet di awa ta yen y cla pa festividadnan di aña nobo na Thailand

(AP) - Ta tempo di festival di awa na Thailand unda varios ta marcando e pais su aña nobo tradicional, tirando awa riba otro cu scopet di awa colorido y te hasta hemchi, den un celebracion cu ta atrae miles di persona, aunke e aña aki e nacion ta marcando temperaturanan na nivelnan asina halto cu e ta causando preocupacion.

E festival, conoci como Songkran na Thailand, ta un celebracion di 3 dia cu ta cuminsa diasabra y ta informalmente extende durante henter e siman, unda ta permiti hende biaha pa celebracionnan familiar. E dia tambe ta celebra bao diferente nomber na Myanmar, Cambodia y Laos, cual di mesun manera cu Thailand tin poblacion cu ta predominantemente Theravada Buddhist.

Songkran ta inmensamente popular, cu anticipacion di atrae mas di 500,000 turista di exterior y genera mas di 655 miyon dollar den ganashi, segun e pais su agencia di turismo. Gobiernonan di Thailand den pasado tabatin reservacion pa disminui e celebracionnan durante crisisnan manera segura y e pandemia.

Aunke e festgival a origina como un manera pa ora pa un temporada di yobida cu ta yuda agricultura y ta inclui actividadnan manera limpia imagennan di Buddha y laba e man y pia di e personanan di edad avansa, Songkran awendia ta asocia cu bebemento, agresion sexual disfrasa di celebra cu otro y un aumento den fayecimentonan den trafico, asina notabel cu e dianan di celebracion ta ser yama "e 7 dianan peligroso."

E festival usualmente ta cay durante e tempo di mas calor den e ana ora cu temperaturanan por subi te hasta 40 grado Celsius.

TA BENDE

KIA Cerrato 2011 standard A/C
8500. Tur instrumento di musica
6.500,-

Gymbike 400,- Cooler cu mesa
125,- Vegetable slicer 65,- Iron
45,- Hairblower 45,-
Pa inf: 5946098



Sinembargo e aña aki, e ola di calor inusual, cual ta anticipa di tin temperaturanan record pa e proximo lunanan, a causa cu tin preocupacion. United Nations Childrens Fund a

adverti diahuebs cu e tempo por pone e bida di miyones mucha den riesgo, pidiendo e dunadonan di cuida tuma extra precaucion.

Pronostico di tempo

Tempo:

Parcialmente nubia cu un awasero pasahero.

Temperatura maximo 33 grado Celsius.

Temperatura minimo 27 grado Celsius.

Indice di calor (heat index) den y rond di oranan di merdia: 34 pa 39 grado Celsius; UV index: 12.



Bahada di solo: 6:52 pm.
Subida di solo: 6:27 am.

Biento:

Moderate te basta fuerte for di direccion oost;
Forsa 4 te 5 (20 te 39 km/ora, 11 te 21 nudo).
Durante di dia fuerte den rafaga;

Forsa 6 (40 te 50 km/ora, 22 te 27 nudo).

Situacion general di tempo:
Extension di e area di presion halto riba Atlantico lo mantene un biento modera te fuerte den rafaga. Di otro un banda, un disturbio den

nivelnan mas abou di atmosfera ta moviendo poco poco bay west. E sistema aki Bay trece un poco di humedad durante proximo 24 ora cual por induci principalmente den oranan di marduga y mainta trepan un awasero pasahero te breve.

Condicion maritimo/ estado di lama:

Na partinan proteje di costa: keto, rond di 1 pia.
Na partinan zuid: trankil, entre 1 pa 2 pia.
Na partinan oost te noordwest di costa: modera cu olanan di 4 pa 5 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Remembrance is a form of meeting"
- Kahlil Gibran

"Your living is determined not so much by what life brings to you as by the attitude you bring to life; not so much by what happens to you as by the way your mind looks at what happens."
- Kahlil Gibran

Cu dolor na nos curason pero tambe agradecido pa tur e bunita recuerdonan, nos ta anuncia e fayecimento di:



Bernardus (Ben) F. C. King
*14 januari 1948 - † 9 april 2024

Na nomber di su:
Casa: Mieke de Droog

Yunan:
Sandra Vocking
Jeroen Vocking y Corien Steendijk
Natasja y Jerry Gomez
Joeri King y Kim Risseeuw

Nieto(a)nan:
Sven y Yara Huigen
Emma y Tom
Damian y Milena Gomez
Nova King

Rumannan:
Hans y Maaïke Vocking y familia
Marian y †Jan van Swinderen y familia

Cuñanan:
Mily Graafland y familia
Andrea de Droog y familia

Su Fellow K brothers di Kiwanis Club of Palm Beach y familia
Su colleganan di directiva di Neptali Henriquez Park y familia
Tur su amistadnan, bisñanan y conocirnan

Un danki special na dokter di cas Dr. Marcel Ho-Kang-You y sra. Lola Geerman di Koningin Wilhelmina Fonds Aruba
Oportunidad pa condolencia lo ta dialuna 15 april 2024 di 7'or pa 9'or di anochi y diamars 16 april 2024 di 9'or pa 11'or di mainta na Aurora Funeral Home.

Ta invita pa e acto di celebracion di Ben su bida cual lo tuma lugar diamars 16 april 2024 di 11'or pa 12'or di mainta na Aurora Funeral Home. Cremashon lo tuma lugar den seno familiar.

Nos lo aprecia cu enbez di flor of krans recorda Ben na forma di un mensahe of un recuerdo riba un papelito. Por trece esaki of scirbie na e momento di condolencia. Lo bai tin un cahita special pa tur e papelonan. Ben lo sigi celebra bida cu bunita recuerdonan den nos y bo(so) pensamiento y curason.

Nos ta lamenta cu despues di entiero nos no lo por ricibi bishita di condolencia na cas.

Aurora

Royal Pray

Funeral Home & Crematory

Laga tur loke ta sperami ta bunita, laga tur locual mi encontra ta bunita, laga tur locual keda atras keda bunita y laga esakinan termina den tur buniteza.

A bai sosega den braza di Señor nos ser stima:



Carmen Anna Ponson
Cariñosamente yama "Carmencita"
*7 Februari 1930 - †13 April 2024

Na nomber di su:

Cuñ: vda. Elma A. A. Ponson - Henriquez

Sobrino y sobrinanan manera yui:
Bianca Croes - Ponson y esposo Roland Croes y yuinan
Lisandra Trimon - Ponson y esposo Francis Trimon y yuinan
Rubin Ponson y esposa Linda Ponson - Feliciania Virginia (Gina) Ponson y yui

Ta invita famianan, bisñanan, conocirnan, amiganan di cas, ex coleganan di Eva Boutique, cas di cuida Betesda, y tur cu a stime pa asisti na e acto di entiero cu lo tuma lugar Diaranson 17 di April 2024 for di 9'or pa 11'or di mainta, na Kerki Protestant na Piedra Plat. Response lo cuminsa pa 10:30 am y pa 11or nos lo sali cu e defunto stima pa Santana Protestant den caya Ernesto Petronia na playa.

Enbez di flor of krans, lo tin un box disponibel den kerki cu por hasi un donacion na Kerki Protestant na Piedra Plat.

Aurora

Royal Pray

Funeral Home & Crematory


"Ousente di e curpa y na cas cerca senjor"
2 corintionan 5:8

Cu dolor den nos curason nos ta anuncia fayecimento di:



David Oswald Gomes
*19 Oktober 1950 - †10 April 2024

Acto di entiero lo wordo anuncia despues



STICHTING VOOR VOLKSHYGIENE VAN
Het Wit Gele Kruis Aruba
Sinds 1959 ten dienste van de Arubaanse gemeenschap
Postbus 488, Oranjestad



Cu inmenso tristeza na nos curazon, directiva, staff, personal y ex coleganan ta participa fayecimento di:

Zr. Elda Edith Croes, "Zuster Judith"

Ex Colega di nos Fundacion Wit Gele Kruis.

Nos ta extende nos mas profundo condolencia na demas famianan y hopi forza den e momentonan difcil aki.
Cu zuster Judith drumi dushi den brasa di Señor.



In Loving Memory of Fellow Kiwanian
Bernardus "Ben" King

Past President 2014-2015 · Secretary for Life · 23 years membership.

It is with profound sadness that we announce the passing of our Fellow Kiwanian, Bernardus "Ben" King, who departed from us on April 9, 2024.

Mr. King was a dedicated member of our Kiwanis family, known for his commitment to service. His contributions to our Kiwanis Club of Palm Beach and the community at large were immeasurable, leaving a lasting impact that will be felt for years to come.

We extend our heartfelt condolences to Mr. King's family and friends during this difficult time. His legacy of kindness, generosity, and selflessness will continue to inspire us all.

Rest in peace, dear friend. You will be deeply missed.



Kiwanis
CLUB OF PALM BEACH ARUBA



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi no tin falta di nada. Den cunucu di yerba berde e ta pone mi sosega. E ta hiba mi na awa trankil, pa mi bolbe haña forsa."
Salmo 23: 1,2,3

Cu hopi dolor na nos curazon pero conforme cu Dios su boluntad nos ta participa cu a fayece na Ocala Florida nos esposa, mama, wela, ruman, cuña, tanta, sobrina, prima y amiga stima



Ivy Marcia Tang Yuk-Comenencia

*05-06-1963 – †01-03-2024

Tata: †Alejandro "Indio" Comenencia
Mama: †Adela Comenencia-Gomez

Esposo: Ryan Tang Yuk
Yiu: Ryan Gentle Tang Yuk y Paula Krashner
Nieto stima: Ryan Ivan Tang Yuk
Yiunan di criansa: Sooling Tang Yuk
Rumico Tang Yuk
Nieta di criansa: Cabria de Chabert
Rumannan:
†Gabriel "Peppy" y Alexandrina Comenencia-Blanco
Fanny y Legenhousen "Larry" Nyack-Comenencia
Judith y Frank Richardson-Comenencia
Beatriz "Beata" y Luis "Gino" de Cuba-Comenencia
Edwin "Papito" y Elvia Comenencia-Rodriguez
Aléjandro "Niño" y Glenda Comenencia-Albertsz
Maria "Mary" y Tirso Tromp-Comenencia
Manera ruman: Roy y Elaine Quandus-Geerman
Sobrino(a)nan:
Sheldon y Marlin Nyack-Figaroa y famia
Ghislaine y Harold Grant-Comenencia y famia
Arthur y Gennilee Comenencia-Ras y famia
Franklin y Elsa Richardson-Rincones y famia
Aldrin y Maaiké Comenencia-Los y famia
Javier "Derrick" Comenencia
Julienne y Jobert Reyes-Comenencia y famia
Rujina Comenencia y yiu
Lugina y Ervany Machado-de Cuba y famia
Gabriela Tromp y Andrew Croes
Omonan: Joaquin "Quincho" Comenencia y famia (Colombia)
Carlos "Calulo" Comenencia y famia
Tanta: Teresa Kock-Comenencia y famia
Suanan: †Kenrick Noel y famia
Mervin Tang Yuk y famia
Oswald Tang Yuk y famia
Vincent Tang Yuk y famia
Cuñanan: †Monica Beharry y famia
Linda Jerome y famia
Barbara Beharry y famia
†Jackie Tang Yuk
Patricia Tang Yuk
Primo(a)nan na: Aruba, Corsow, Colombia y Hulanda
Primanan stima: Jetzy de Koning-Bruges
Ederlinda Kock
Sonia Quandt-Gomez
Tur su amiga- y amigonan y amistadnan stima na Aruba y su barrio
Dakota, Ocala, St. Croix, Corsow y Hulanda

Demas famianan:
Comenencia, Tang Yuk, Noel, Beharry, Jerome, Blanco, Nyack, Richardson, de Cuba, Rodriguez, Albertsz, Tromp, Kock, Violenus, Figaroa, Grant, Reyes, Ras, Rincones, Los, Machado, Croes, Neuman, de Koning, Quandt, Bitorina, Irwin, Ramharak, Beke, King, Jeroc, de la Cruz, Lispier, Hodge, Castillo, Castillejo, Ras, Quandus, Porino, Franken, Geerman, Herts, Dania, Tromp, Nuboe, Sneek, Steenen, Rafael, Lake, Becker, Martis, Pablo, Schwengle.

Na corsow: Marlene Comenencia y rumannan y famia
Randy de Lannoy y famia
Famia Jacobus
Famia Curiel

Na Colombia: Comenencia, Gomez, Elias, Bruges, Scott, Alzamora, Granados, Freyle Villar

Acto di condolencia y ceremonia di despedida lo tuma lugar na Parokia Birgen di Fatima na Dakota, diasabra 20 di April 2024 di 9:30 pa 11:30 di mainta. Despues ta sigui pa su ultimo lugar di sosiego na Santana Central Sabana Basora.
Despues di entierro nos no por ricibi bishita di condolencia na cas, nos ta pidi comprension pa esey.

Si acaso den nos tristesa nos por a lubida algun famia, nos ta pidi nos mas sincero disculpa.
Enbes di flor of krans lo tin un box disponibel pa donacion pa Parokia Birgen di Fatima Dakota

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lo E seca tur lagrima for di nan wowo y morto lo no existi mas. Lo no tin nada di rouw, nada di yoramento, nada di dolo mas, pasobra tur cos di antes a pasa bai.
Rev. 21:4

A bay sosega den brasa di Señor nos ser stima:



Candido Jacobo Angela

Cariñosamente yama "Coby of Cobito"
*11-10-1940 - †13-04-2024

Drumi dushi den brasa di Señor
Acto di entiero lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

'Dios ta amor... y amor ta Dios,
maske mi no ta na mundo aki,
tur dia lo mi ta banda di boso Curazon'.

"Mi por stens di loke Dios ta haci"
Salmo 33

Cu dolor na nos curazon, nos ta participa fayecimento di nos ser stima:



Filomena Maria Arends- Semeleer

Cariñosamente yama "Mena", "Mama Mena"
*05-10-1946 - †14-04-2024

Acto di entiero lo wordo anuncio despues.

Legisladonan di Georgia ta bringa tocante legislacion divisivo cu oponentenan ta bisa ta mimica ley represivo di Kremlin



(AP)—Legisladonan den e legislatura di Georgia tabata bringa cu otro ayera mientras e parlamento a debati un ley divisivo yama e legislacion di agencia stranhero. Algun oras despues, centenares di hende a protesta contra e legislacion pafo di e parlamento den e capital Georgiano, Tbilisi.

E version preliminar—proponi pa e partido Dream cu ta goberna—ta yama pa organisacionnan di medio y no-comercial registra como bao di influencia stranhero si nan ricibi mas cu 20% di nan fondo for di afo.

Oponentenan di e medida ta denuncia esaki como "e ley Ruso" pa via di legislacion similar utiliza pa Moscu pa stigmatiza media noticiero y organisacionnan independiente considera como den oposicion cu Kremlin.

Video publica online ta muestra un legislador den oposicion tirando mokete den cara di e lider di legisladornan di partido Dream, Mamuka Mdinaradze. Varios otro legisladornan for di e bandanan den oposicion a participa tambe den e bringamento, atacando otro.

E legislacion ta casi identico na un propuesto cu e partido gobernante a ser presiona pa retir'e algun aña pasa despues di protestanan grandi riba caya. Ayera e manifestantenan a canta canticanan patriotico y a grita "esclavonan" pafo di e parlamento, sugeriendo cu e cas tabata doblando bao presion di Rusia.

Esnan cu a opone e medida ta bisa cu pa aproba e ley lo obstrui e meta di Georgia pa participa den Union Europeo, cual a aproba e status di candidatura di e pais aña pasa. Prome minister Georgiano, Irakli Kobakhidze, tabatin un reunion ayera cu e embahadornan Mericano, Britanico y di UE pa discuti e legislacion, e gobierno a bisa.

E ley ta bisa cu organisacionnan no-comercial y media noticiero cu ta ricibi 20% of mas di nan fondo for di afo lo mester registra como "persiguiendo e interes di poder stranhero—e unico cambio den palabra for di e version preliminar di e ley cu a ser retira aña pasa, cual a bisa cu gruponan relevante mester registra como "agencia di influencia stranhero."

Presidente Georgiano, Salome Zourabichvili, lo veto e ley si e ser aproba pa parlamento, segun su representante parlamentario, Girogi Mshladze, a bisa anteriormente. Pero e vota ey por ta cortico mirando e fin di Zourabichvili su termino e aña aki y bao di e cambionan constitucional di Georgia, e proximo presidente lo ser nombra pa un colegio electoral cu ta inclui tur miembro di parlamento.

Biden ta reuni cu lider Checo na e Cas Blanco pa promove ayudo pa Ucrania

(AP)—Presidente Mericano Joe Biden a urgi e cas Mericano pa aborda riba e fondo suplementario pa Ucrania y Israel dialuna mientras el a anfitrión e prome minister Checo Petr Fiala den e Oval Office.

E bishita a bin como cu Biden ta purba subraya e esfuersonan cu otro nacionnan ta haciendo pa apoya Ucrania. El a sigui e anuncio di e gobierno Checo cu e ta mandando 1 miyon ronda di artilleria pa Ucrania, cual Kyiv a bisa e mester riba den e bataya contra e invasion Ruso.

“Manera e Republica Checa ta corda, Ruso no lo stop na Ucrania,” Biden a bisa. El a apela na congreso pa aproba



fondo suplementario pa asina Merca por cumpli cu su parti pa yuda Ucrania. “Nan mester haci’e awo,” Biden a bisa.

Fiala a gaba e presidente Mericano pa su liderazgo pa apoya Ucrania, agregando, “Nos ta haciendo nos best.” El a bisa, “Den 1968 mi a mira tankinan Ruso riba caya di mi pueblo, y mi no kier mira esey atrobe.”

Biden a yama Republica Checa un “grand aliado” den NATO, mientras Fiala a bisa cu e decision di e pais pa cumpra fighter jetnan for di Merca lo “haci nos cooperacion y seguridad mas fuerte.” Fiala a conta reporteronan despues di su reunion cu Biden cu e lo reuni cu legisladonan na Capitol Hill awe pa sigui discuti ayudo pa Ucrania.

Presidente di Filipinas ta bisa cu e no lo duna Merca mas acceso pa basenan militar

(AP)—E presidente Filipino a bisa ayera cu su administracion no tin plan pa duna Merca acceso na mas base militar den e pais y a enfatisa cu e presencia di e ehército Mericano den varios campo y sitionan te awo tabata debi na accionnan agresivo di China den e South China Sea.

Presidente Ferdinand Marcos Jr., ken a tuma e oficina den 2022, a permiti forsan y armanan Mericano acceso na cuatro base militar den Filipinas, resultando den nueve sitio unda tropanan Mericano por cambia indefinitivamente bao di un acuerdo di 2014.

E administracion di Biden ta fortaleciendo un arco di aliansa di seguridad den e region pa para miho den cara di China, un movida cu ta cuadra di e esfuersonan di Filipinas pa aumenta su defensa externo, specialmente den e South China Sea.

E decision di Marcos aña pasa

a alarma China pasobra dos di e sitionan nobo tabata situa net na otro banda di Taiwan y parti sur di China. Beijing a acusa Filipinas di provee forsan Mericano cu tereno, cual por ser usa pa socava su seguridad.

“Filipinas no tin plan pa crea ningun base mas of duna acceso na cualkier base mas,” Marcos a bisa, sin elabora den un respuesta na un pregunta durante un forum cu corepondientenan stranhero basa den Manila.

Ora a puntr’e si e tabata preocupado cu pa permiti acceso militar Mericano den basenan Filipino a provoca e accionnan di China den e South China Sea, Marcos a bisa cu e presencia di tropanan Mericano tabata un respuesta riba e accionnan di China.

“Esakinan ta reaccionnan na kico a pasa den e South China Sea, na e accionnan agresivo cu nos mester a experencia,” el a bisa, mencionando nav-

enan di guarda costa Chines usando cañonnan di awa y laser pa stroba barconan Filipino for di e area cu Beijing ta bisa ta di dje.

Tambe el a menciona acciden-tenan, blokiamento di piscadonan Filipino y baricadanan maritimo pa blokia barco for di Scarborough Shoal, cual ta situa den e zona economico di Filipinas. Bao di Marcos, Filipinas a adopta un strategia di publica e incidentenan por medio di permiti reporteronan pa aborda su navenan di patruya pa ta testigo di e accionnan agresivo di China.

“Ta crucial cu e media...sigui muestra e accionnan aki cu no solamente ta menasa e paz y estabilidad di e region pero tambe socava e orden basa riba regla cu a aporta na e desaroyo y prosperidad global durante e siglo anterior,” Marcos a bisa.

China a tira culpa riba Filipinas pa causa e confrontacionnan por medio di envolver den loke e ta bisa tabata awanan teritorial Chines y no cumpli cu un supuesto acuerdo pa kita un barco bieu di armada Filipinas, cual awo ta sirbi como campo militar externo di Manila den e Second Thomas Shoal.

Marcos a bisa cu e no tabata consciente di ningun acuerdo asina, y a agrega cu e ta considera e acuerdo retira—si el a existi mes. Siman pasa, presidente Mericano Joe Biden a renoba e compromiso di Washington pa defende aliadonan Pacifico den un cumbre



cu Marcos y prome minister Hapones Fumio Kishida na e Cas Blanco. El a reitera cu Merca ta obliga di defende Filipinas si su forsa-, aeronave- of barconan cay bao atake arma.

Ora a puntra Marcos ki ora e Mutual Defense Treaty di

1951 entre Merca y Filipinas por ser invoca entre hostilidad teritorial entre china y Filipinas, Marcos a cita secretario di defensa Mericano, Lloyd Austin, cu esey por pasa “si cualkier sirbido Filipino ser asesina den un atake for di poder stranhero.”

AMOR BO NO POR CUMpra
pero lo por adopta uno

BNDIA
ARUBA

CENTRALE BANK VAN ARUBA

Anuncio di fayecimento

Gerencia y personal di Centrale Bank van Aruba ta anuncia fayecimento na Slovakia di

Señor Ladislav Mayer

Tata di nos colega Iveta van Veen.

Nos ta extende nos mas sincero condolencia na Iveta, esposo Alexander, yiunan y demas famia. Nos ta desea nan hopi forsa den e dianan dificil aki.

Cu señor Ladislav Mayer sosega na paz.

Derumbenan ta afecta isla Indones Sulawesi, resultando den al menos 18 morto

(AP)—Un ekipo di buskeda y rescate a descubri 18 hende morto pa via di derumbenan riba e isla Sulawesi na Indonesia y ainda nan ta buscando pa dos mas cu a desaparece, oficialmente a bisa ayera.

Rescatadornan a descubri aproximadamente 14 curpa den e pueblo di Makale diadomingo atardi y cuatro den parti sur di Makale, segun Mexianus Bekabel, hefe di e Makassar Search and Rescue.

“Ainda nos ta buscando pa dos victima mas, pero niebla y yobida ta haci e buskeda dificil y agentenan trahando tabata bao hopi presion,” segun Sulaiman Malia, hefe di e agencia di maneho di desaster den districto Tana Toraja.

Lodo cu a los for di tera a



cuminsa plama for di seronan alrededor y a afecta cuatro cas net prome cu diasabra marduga den Tana Toraja di e provincia South Sulawesi, segun hefe policial local Gu-nardi Mundu. El a bisa cu tabatin un fiesta di famia den un di e casnan unda e derumbe a cay.

Decenas di soldaat, polis y boluntario a participa den e buskeda den e pueblo situa band'i seronan di Makale y

South Makale, Mundu a bisa. Rescatadornan a logra saca dos persona herida diadomingo, incluyendo un mucha muhe di 8 aña y a translada nan pa hospital.

Liñanan di comunicacion cu a ser stroba, clima malo y tera instabil tabata strobando e esfuersonan di rescate. Tana Toraja tin hopi atraccion turistico, incluyendo casnan tradicional y estatuanan di palo den cueba, conoci como

tau-tau.

Yobidanan temporal ta causa frecuente derumbe- y inundacionnan den Indonesia, un

cadena di 17,000 isla unda miyones di hende ta biba den areanna montañoso of llanos cu frecuentemente ta den riesgo di inundacion.

Sindicato di piloto na American Airlines ta bisa cu e ta mirando mas problema di seguridad y mantencion

(AP)—E sindicato di pilotonan na American Airlines ta bisa cu tin “un aumento skerpi” den problemanan di seguridad na e aerolinea, incluyendo menos inspeccion di aeronave y testnan di vuelo mas cortico riba avionnan regresando for di trabaonan di mantencion pisa.

E sindicato tambe ta bisa cu el a mira algun incidente den cual a laga herment den espacionan bashi unda e wheel di e nave ta situa y tambe a laga otro obheto den e area stiel rond di avionnan staciona na e gatenan di aeropuerto.

Un vocero a bisa ayera cu e oficialnan di e sindicato a trece nan preocupacionnan dilanti cu gerentenan senior na e aerolinea y a keda encurasha pa e respuesta di e compania. American, cual ta basa den Forth Worth, Texas na Merca, a bisa cu e tin un sistema di maneho di seguridad tremendo. Un vocero di e aerolinea a bisa cu American ta den contacto regular cu reguladornan y sindicato “pa sigui fortalece nos record di seguridad y engrandece nos cultura di seguridad cu ta keda transforma.”

Dennis Tajer, un piloto y vocero pa e sindicato, a bisa cu e sindicato a papia recien cu maneho senior, “y e respuesta inicial di maneho na nos peticion tabata encurashante. Nos tin e intencion pa haci tur loke nos

por pa sigura cu American ta mantene su margennan fuerte di seguridad.”

E Federal Aviation Administration a nenga di duna comentario directo riba e acusacionnan di e sindicato of si e agencia a aumenta su control di Americano un resultado. Den un declaracion, un vocero di e FAA a bisa cu aerolineanan mester tin sistema pa identifica posible riesgonan prome cu nan bira mas serio.

E comite di seguridad di e Allied Pilots Association a bisa den un e-mail pa miembronan diasabra cu e sindicato “ta grabando un aumento significativo den problemanan di seguridad y mantencion den nos operacion.”

E sindicato a bisa cu American a aumenta e tempo entre inspeccion regular riba avionnan. Tambe el a bisa cu American a caba cu controlnan di mantencion cu e excepcion si un avion ser marca pa rekeri atencion special of debi na mantencion plania y awo ta haci testnan di vuelo “cortico” riba avionnan regresando den servicio despues di un control di mantencion grandi.

E sindicato a puntra su miembronan pa reporta cualkier problema di seguridad of mantencion.

The union asked its members to report any safety or maintenance problems.

Ekipo di Aruba Bank ta triunfa na e di 32 edicion di “Ronde van Aruba”



Despues di un evento emocionante, Aruba Bank N.V. ta orguyoso pa anuncia su exitoso participacion den e careda “Ronde van Aruba” siman pasa, April 12. Esaki ta marca e di seis aña consecutivo di nos participacion den e evento deportivo grandi aki.

Nos ekipo a sobresali riba e ruta, Patty liderando riba Ruta 1 y 5, Roxy dominando riba Ruta 2 y 6, Diego riba Ruta 3 y 7, y Ada

riba Ruta 4 y 8. Nan dedicacion ta berdaderamente uno di admira.

Aruba Bank ta orguyoso di a patrocina e ekipo dinamico aki y di a forma parti di nan exito.

Pabien na tur e participantenan di “Ronde van Aruba” pa nan participacion, como tambe na e organisadornan, pa haci e evento aki un experiencia memorabel.

